

# NAVE KHAMUNSUWELA



Kooxukhuru, Munna Neville. Apwiya yooreeriheni. Kihiiikelihwa mwa etthu, kahi siiso? Kintthuna kaaxukhuru Apwiya, oratteenexa, mwaha wo omukhapelela mwaana a Munna Capps. Erimwiiraneya paahi ola okhala okathi vakhani kintthikelaaka oIndiana. Koosuwela wira khenkaravariwa ela; kinoona wira nnari. Vano nto nkinimoona hata mutthu mpaani mmwe, tivo awo. . . Kitthinke wira kirowe kaxaye ikhopa. Ni siiso kinoona wira Charlie onrowa okhala ookivilela, owo ni Nellie, n'akina oKentucky wu, nihiku nimosa wala maili vano, wira kaxaye mireyi. Tivo, kaamwamputi ohaleela etthu p'itthu, khula muthinto mukina wa orukuneya, nto orwa nno ntoko eriyari y'Akostu, ni orowa oxaya ikhopa ni Charlie ni Banks, ni othene aya. Eri ntoko etthu ya elimalelo wa miyo. Nto siiso miyo kimukunxe Joe. . .

<sup>2</sup> Okathi waaryahu wenno okathi mukina, atthu othene yaaroowereiwa, orukunuwa wa okathi ole wooviha saana okhala ola—okhala ola wooriirya murinaanyu nno. Koosuwela wira munuupuwela wira ola kuhiyo wooriirya, masi murwe wArizona emaara emosa. Saari ikharawu emiya ni thanu na mosa vamuuttutthini okathi waakhumme aka voosiisu owo. nto ntoko ohiyu eriyari, ohiyu, okathi etheku yooriirya ekhurunwaaya okhuma mmiyaakoni, nlelo yaari miloko mithanu na mixexe ni thanu na mosa. Uh-huh. Moone, owo ohiyu eriyari, okathi etheku yooriirya yaakhuruwaya. Nto siiso eyo e. . . Nipuro nlo nri okathi wa eyiita, masi ti na anamareere ni anaakhwiitti okathi wa elimwe, kahi atthu. Hata axinama othene anrowasa mmiyaakoni. Khanwerya ovilela tu.

<sup>3</sup> Ni kaari vate koopaka erifle aka yaamukhaani. Miyo. . . Mwa enamuna emosa kintthuna kooleleni sa mwammiravo Caps. Nto miyo khwira. . . Ni, Joe, kihaana omunnya erifle, okhala wira owo onniwerya woopa saana okivikana miyo. Naahilakiherya yoopaka, ni kaa—kaakhomela itaaxa mwa imeeturu miloko mixexe ni thanu na mosa. Nto miyo khumwiirela yo—Joe. . . Joe khwira, “Paapa, kookupali wira kaamuwerya wira eyo.” Mwaamukhaani owooniha othunku aaroowereiwa muru. Miyo kaahikhala kinvelelaka, ehooma yoovihaxa. Owo aaronwe okareera tiru, ni miyo. . .

<sup>4</sup> Mwa erifle ya mulithi .22 khula ecupu ya mpompe wa piili ni muloko envira eliinya aya ya etiiru imeeturu miloko miili ni ttharu; ni ennivira-tho miloko mithanu, enamuna emosaru, yakhala-ru ya piili mwa muloko. Tivo nto. . . Nto miyo koopale kiphimenle-ene imeeturu miloko miili ni ttharu. Ni siiso kaahikhalana-tho itaaxa piili ni kihela-tho, ni Joe ahaakhomenle-ru itaaxa iyo piili! Nkaarina-tho

itaaxa, tivo kihela vale nipattuuxa na eparatho ya marove ya khalayi yaaphweeiye, seiyo anoopela anamooopela iparatho, yaataphunwe imiliimeturu soophiyaka paahi thanu na mosa ni nuusu, kihela mwa imeeturu miloko mixexe ni thanu na mosa, nto khupwexa eriyari. Ni exikooopu yaarehereliwe maitho aka, miyaakha vakhani paahi yaaryaya ya khalayi onvikana owo. Vano owo khwira, “Moosuwela? Kihaana orowa kamuleele Billy wira ahihiye okhuma vano mpakha ohoolo.” Munnona?

<sup>5</sup> Siiso, nto miyo khwira, “Ahe, miyo kinimooleelani wira,” khwira, “nrowe namoonihe yeeyo Munna Norman.”

<sup>6</sup> Miyo khwira, “Joe, mmiseweni molumwenkuni mothene, nkincala aarowa okhala aani, khaavo...” Vano, itaaxa khisaakhomeliwe oxerexere, saarookhomeliwa khupwina. Nto nipattuuxa nle, kinoona wira, noohivikana, epante yaneexexe ya esentiimeturu emosa ni vakhani, ni epante ya muloko ni thanu na mosa mwiitti aya, ni epante yaneexexe ya esentiimeturu emosa orakama waya, owo aathikinle varyari, imeeturu miloko mixexe ni thanu na mosa. Miyo khwira, “Khaavo hata mutthu mulaponi aarowa owerya woopela vooreeraxa. Awo yaamuwerya, alipa-ooxintta, yaamwiira ewenrye wira etthu emosaru, masi khimwaarowa owerya opaka iyoopelo tthaaru sooreera ovikana iyo.” Itaaxa, khisaakhuneieye, mwiithe woowookowa paahi ovira vapapheloni vaavo etaaxa yaavinre aya. Nto miyo khwira, “Khaavo aarowa owerya opaka e—eyoopelo yooreera.” Vaareera. Kookupali wira owerya wawe muru waamuhiya naanaanoru.

<sup>7</sup> Ni miyo khwira, “Ahe, nrowe namoonihe yeela Munna Norman,” onvara muteko *oField And Stream*, nipuro na ikaruma s’otthekula-no na Munna Tony Stromei.

<sup>8</sup> Owo khwira, “Nrowe nivire vari Billy toko.” Owo khwira, “Miyo—miyo kintthuna paahi kimuleele etthu Bubby.” Munnona? Nto, voohithepya, munn’awe khonaireke vooreera siiso. Tivo owo khwira, “Nivire weiwe toko.”

<sup>9</sup> Nto kivolowaka—ru vamukhora, Billy nlelo aawanre ipixama sawe. Nto owo khwira... Khanireere waakuva orowa, okhala wira khonreere oviha. Nto siiso owo khwira... Telefooni khuruma. Nto miyo khwira... Owo khukhala ntoko okiweha so. Miyo khwira, “Khino wiiitthana wa aretta.” Nto aari Munna Capps mwaha wa mmiravo awe, musaala wa operasawu nto, wiipiwa mmirimani ni woowaattamela. Nto naanaanoxa owo okileenle wira mmiravo awe onopenuwa saana, saana-ene.

<sup>10</sup> Tivo, munnoona moota Muluku iiralyawe yeeyo, hata mwa nsu na mmirav’owo, Joe? Ohiya orowa wa Munna Norman wu, khinaarowa wira nikhaneli iwe, ni orwa. Nto Munna Capps ni miyo khukhala vamosa. Nkinihimya wira yaari mavekelo ahu yiirale eyo, masi yoohimya etthu wa yoowo mwaha wa hiyo okumana siiso. Ni, voohithepya, ti yeeyo... Nyuwo

mwakhalana—muhaana okhalana waamini wa etthu eniiraanyu. Munnona? Nto, eyo, waamini wawe wira iitthane, ni Billy aari. . .

<sup>11</sup> Awo yaahela musurukhu. Owo khwira, “Ela ehaana okhala y’erakamelo y’ekeekhai saana,” khwira, “owo aahela-mo ntoko itoolare thanu vooptali, mwa tthaaru. . . omwaattaka oraami a minuutu miraru.” Ni koono wira waarowa okhuma oNova Yorke wala emosa wa isisiro wala etthu siiso. Masi owo aahilikari mutthu ni mutthu, wira amphwanye Billy ohiya Loyce, moone, nto ti yeeyo yaatthuneieye owo wira yeeyo.

<sup>12</sup> Nto vano mwan’awe onoopenuwa. Munna Capps ohimnye wira tothoro aanvanhe nrromelo vakhani wira aamukhalakhala akhumaka mwa yeeyo, moone, moperasawuni. Ni ninnimuxukuru Muluku voosiis’ula mwaha wa yeela, otthapa saana mwaha wa yeeyo.

<sup>13</sup> Vano, hiyo niphin’ye, oxaakaru voosiis’ula, ni kirumpe ntoko iwoora tthaaru, ni—ni nkireere okhulumuwa. Masi okathi ekereja. . . vaphiyale aya okathi wo orwa okereja, vano, miyo kihoorwa.

<sup>14</sup> Ni Apwiya yatthuna vale, vano kihaana orowa oKentucky, ntoko sihimalyaka. Vano kaahilaiheriwa olavula Ettiminku emosa kiryeene wenno, ni vanreerela kiire Ettiminku ila enrwa, okhala wira yootharelana kinookhala. . . Kihaana otthika. Okhala wira kinoorowa-tho, oCanada. Siiso va—vanreerela miyo kiire Ettiminku enrwa, ni Ettiminku enttharelana voosiisu.

<sup>15</sup> Ni Munna Neville iirale, “Muhinkhumela-ni tu mwaakhomasa atthu, mulavule ni yaawo minuutu vakhani paahi?”

<sup>16</sup> Miyo khwira, “Munna Neville, hata nkimukhunlale Bibilia aka, voorika.” Miyo khwira, “Miyo. . .”

<sup>17</sup> Owo khwira, “Ahe, mukhume mwaahimeerye etthu.” Ni, Munna Neville muthiyana, miyo—miyo—miyo nkinsuwela moota muniiraanyu. Owo mutthu ookupaliha saana. Masi okathi. . .

<sup>18</sup> Nkinkhalana mureerelo wo ohimya ela nipuro nakhalaru noosariwa, ni mittitthi s’atthu, ni sothene, masi nkinreere omuxukuru Muluku mwaha wa pastore ntoko Munna Orman Neville. Oororomeleya, oororomeleya saana ntoko sinweryawe okhala, wa Niwoko, ni khonaiwiweke aisinlihaka. Kaakilaanthe ottuli iwe. . . Kaahikhalana nvaanelo wooreera wa ewoora nuusu ni yoowo kivirihaka okathi wooreera ni Munna Mann, ni siiso kinoomuleelaxa sa yeeyo naphiyaru oColorado mutano. Tivo okathi waavirihahu okathi wooreera ni mutthaka awe, ni kikhhalana nvaanelo wooreera ni Munna Neville. Miyo khwira, “Miyo hata nkhiphiyenrye waaleela atthu etthu ya pastore ahu ooreera murima.” Miyo khwira, “Atthu anniweettelani saana?”

Khwira, “Khiyaakhanle ooreeraxaka.”

Nto miyo khwira, “Ahe, ti yeeyo enkisivela wiiwa.”

<sup>19</sup> Pastore aasiveliwaka, ni atthu enasiveliwa, eyo ennikhaliha ekereja yooreera saana, vano nto Muluku onkhala oosiveliwa. Ni kinnuupuwela, owoona osiveliwa vamosa, vanci-enexa nihiku nla na Mutthaka ninkuxahu, kinoona wira eyo enooniherya okelela ohoolo wa Mutthaka n’atthu ni Muluku. Munnona?

<sup>20</sup> Ni nkinreere omuxukhuru Munna Orman Neville, ni amwaar’awe ooreera murima ni amusi. Ni kinvekela wira Muluku aakhalihe ooromeleya wa Yoowo ni Niwoko. Nto eyo yaamusivelaka Owo, nikhale ooweemela mutapernakulu mu okathi Pwiya Yesu onnirweelaawe, moone, wira aniroihe Mokuxiwani. Ninroromela wira oowaili ninookhala oowuuluvalaxa, Munna Neville, mmosa onrowaawe omupatikha mukina, ni neemenle vale attootto ahu, nlelo niphavelaka wiilipiherya. Munnona? “Nto ninrowa otatuxiwa, naanaanoru, waaphila wa niitho.”

Nto ikuwo iya sa khalayi s’erutthu sinoomora,  
ni ninoovenya  
Nikuxe otthuveliwa ohinimala,  
Ni ninookhwela, niviraka musulu,  
“Kwaherini, kwaherini, ewoora yoosiva ya  
mavekelo!”

Niniira nironwe-ene osulu nto.

<sup>21</sup> Kihiiwa sa ovonihwiwa wa Munna Coomer okhuma wApwiya, ni khanireere oxukhuru mwaha wa yeeyo. Itthu sinci-ene. Tivo miyo kinnixukhuru okhala va voosiis’ula. Ni miyo kihupuwela, ohiya o . . .

<sup>22</sup> Miyo kweekwe kinrwaaka va ni yoosoma emosa, ni olavula. Miyo koono wira paahi—kaarowa orwa voosiis’ula. Nto miyo khwira, “Munna Neville, miyo kinooweha eroroco saana, ni alakela kinimwaahiya atthu okhuma m’okathi, ni olavula ni nyuwo paahi okhuma mmurimani, minuutu vakhani; itthu paahi, hiyo nrinaahu paahi . . . Nnari, awo khankaravari wala etthu, tivo ninrowa okhalana opatthana paahi aryeene atthu a mukereja mu, moone, yoohi paahi hoothe.”

Tivo nivekele.

<sup>23</sup> Yesu Ootthuneya, hiyo ninnooxukhuruni Nyuwo mwaha wo oreeriwa orinaahu wo othukumana va. Ni, oh, okathi waawehaaka etapernakulu ila oxaka-ru voosiisu ola, vaviraly’aya ohiyu eriyari, kaahivira vaava, kuupuwela moota Nyuwo munkhapelelanyu.

<sup>24</sup> Ni kinnuupuwela ntthiya naari va, ni malaxi maalupale oonanara yeemenle, ntoko vaava epulpitu ela eryaya. Ntoko mwammiravo, miyo—miyo kaahemela va. Mwenye Ingram iirale wira hiyo naamuwerya othuma nipuwa ni musurukhu vakhani paahi, ni oliva etthu yoopacerya; ni woohikhala musurukhu,

hata neemexeryo, wala etthu yo ovaha, masi weehererya paahi. Moota eyo, nto, okhala wira ehisapo yoomalela yaari vakhani yoovikana itoolare ikonto piili; ni miyaakha miloko miili wira nilive.

<sup>25</sup> Nto vano, Pwiya, nkawehani vano! Ni okathi yaaryaya enamwane aya, nlelo eryeene mwa mwithe mmosa va, maasi akelaka; moota Nyuwo mwaanilaihenryanyu, ni Masu: “Miyo Apwiya kihaala, Miyo kinoonaaniha othana n’uhiyu, wira ohikhale onkumiha mmatatani Mwaka.”

<sup>26</sup> Okathi ene yoowo, atthu yiirale, “Muhina mwa miyeeri mithanu na mosa, enrowa okhala nipuro noopwehiwa ikaaro.”

<sup>27</sup> Masi vekeekhai minepa s’atthu ikonto sene soomphwanya Kristu nno waltaari. Ni etapernakulu, epatisteeriyu voohihiyerya eni... Atthu aapatisiwa mwa Nsina n’Apwiya Yesu; alompaka mwa Nsina Naya, arapihaka itampi saya. Imiya sene, oorakala, oohaaxeya, oohoona, ooheetta, ootuthunya, ooyiwa kankuru, aakhuma yeettaka vaplataforma va; aavolowa, akhwaaka, alopwana n’athiyana, amiravo n’axiruusi, khukhuma wira akhaleke makhalelo a naanaano, ni erutthu esya mw’erutthuni mwaya, ni yeettaka-tho; ohiya ikhatera saya sa roota, attootto, ni sikina. O Muluku, miyaakha iya miloko miraru sa muteko!

<sup>28</sup> Tithi, miyo kinnuupuwela voosiisu naathipenlyahu nluku noolipiha. Nto Nyuwo mwaahivaha yoowoona iwe, moonihaka nipuro, nisariwe ni noophunyiwa, nlootho nooreera; Miyo—miyo kaahisuwela wira eyo khiyaakhanle ovonyaka. Tivo miyo kinnooxukhuruni mwaha wa itthu iya sothene.

<sup>29</sup> Anci-ene aya aawana ekhotto yooreera, ni aamaliha muteko, ni aasuka Waamini; yimmaathale iwe, elipelelaka, emumulaka vano miteko saya, ni miteko saya saattharaka; elipelelaka okathi wa nlope oruma, ni ophuwa-tho ekumi esya, erutthu esya. Anci-ene aya atokweene ni oothukumelasa, akina amiravo, a munnuwelo wa eriyari, ni sikina. Masi Nsina Nanyu nivuwihwe wa sothene.

<sup>30</sup> Vano neemenle-tho va, ohoolo wa—wa akumi ni alipaookhwa. kinvekela wira Nyuwo mureerihe Masu Anyu voosiis’ula. Miyo nkinsuwela etthu y’ohimya, masi kinvekela wira Nyuwo nvaherye yeeyo, yeeyo Nyuwo muniirakanyu kweekwe, Pwiya.

<sup>31</sup> Mmureerihe pastore ahu, Munna Neville, mwaar’awe. Mwaareerihe maatiministratoore, nikhuru na matiyaakono, khula mempuru a erutthu. Wira, hoothe, nikhale mwa makhalelo ala, wira mwa ekumi enrwa nikhhalane Ekumi Ehinimala.

<sup>32</sup> Munikhaliherye voosiis’ula waakhela ottharuxiwa ni Erooho ni Masu, wira niwerye wiitthokiha okathi onkhumaahu mmikhorani voosiis’ula, oolakelaxa mmurimani mwahu okhala

makhalelo ooreera ovikana sikhanyahu khalayi. Hiyo ninvekela mwa Nsina na Yesu. Amen.

<sup>33</sup> Vano, miyo—miyo koomukhunla Bibilia va, nto khwiiraneya okhala minuutu vakhani sivinre. Kiri mwa Wiisuupulula 3, tivo kinoosoma va paahi, mu—Mutthaka wa Ekereja ya Lawotiseya.

<sup>34</sup> Ni kintthuna kihimye, nave-tho, Munna Neville onoomalaru okileela; Munna Parnell, kirimwiira ooweha vathi kimoona owo okilaanthi-ene va, ori va—vamuhakalalihoni, epant'ila nno ya oMemphis. Va—va . . . khula a nyuwo onnisuwela waakhalaka Wimpy a khalayi, nipuro na hampurukere naakhalakaya, owo orina e—eheema yookoliwe weiwe, aphavelaka oruuha mihama ni ophwanya yaakhanle-ene ale oorimeela epantte iyo atthomeliwe ekumi, wira owo awerye okuxa muhina wa muteko awe wa Kristu. Nto owo oroowala mpakha Ttiminku, mwaha wa miteko s'okokhorela siniiraneya otapernakulu, ni—ni eyo ti ororomeleya saana wa munna. Ni ninthuna wira musuwele wira miteko s'okokhorela sinrowa otthukuwa Sekunta enttharelana ohiyi, esumana enrwa. Ni koosuwela wira nyuwo othene moolattuliwa vooreera murima wira mmwiiwe Munna Parnell oruuha mutthaka awe wa ophenta wa Kristu.

<sup>35</sup> Nto vano nrowe nisome Wiisuupulula kapiitulu 3, nipuro nimosa paahi, wira nihimye wira noomusoma Bibilia. Okhala wira, ele kaarowaaka ohimya vaamuweryaneya ovonyeya, masi ele Owo onihimyawwe khenvonyeya. Ni nkinsuwela nipuro noopacerya-vo, etthu yo wira, otthu w'orowa-wo, masi kinsoma paahi Okathi wa Ekereja y'oLawotiseya.

*. . . nlaikha na ekereja ya . . . Lawotiseya mulepele wira; Itthu iya onihimya ti Amen, namoona eekeekhai ni oororomeleya, ni epacereryo ya opattuxa wa Muluku;*

*Miyo koosuwela miteko sanyu, . . . nyuwo khamuhiyo ooriiryana nnakhala ooviha: Vaamureera . . . mwaakhanle ooriiryana wala ooviha.*

*Nto okhala wira nyuwo mwa ookuttihiwa, ni khamuriiryale ni khanvihale, miyo kinimoorapheyani mwaano mwaka.*

*Okhala wira munihimya wira, ka thaaciri, ni oosareya mireerelo, ni khiyaavo enkithowa; nave khamunsuwela wira mootakhaliwa, . . . oothoiwa, . . . masikhini, . . . ohoona, . . . oohiwar'etthu:*

*Kinnoovahani miruku wira muthume wa miyo eweero yooreerihwa vamooroni, wira muthaaciri; . . . ikuwo soottele, wira nware, ni wira wuuliha muru wo othaaleliwa wanyu ohooneye; muttikitthele maitho anyu ni murette, wira nwereye woona.*

*Miyo kinaapwapwela ni kinaahukhumu othene ale  
kinaaphentaaka: mukhaleke nthiti, ni murukunuxe  
murima.*

<sup>36</sup> Nyuwo moosuwela, nipuro nlo mme, okathi waasomaaka, miyo . . . Nyuwo mwakilevelela—ru minuutu mmosa, miyo—miyo koophwanya nipuro nimosa niiweye saana wa miyo, ni nkisuwela oratteene nipuro xeeni vano. Nla va.

*. . . nave nyuwo khamunsuwela . . . ootakhaliwa, . . .  
oothoiwa, . . . masikhini, . . . oohoona, . . . oohiwar'etthu:*

<sup>37</sup> Oh, wulu, eyo eri ntoko elatarato va ya ekereja y'olelo! Vano, ti, miyo—miyo kinoona wira okathi owo wa ekereja va, hiyo onlavulaahu . . . Vekeekhai, kihaana okathi wa ekereja onrowa okhuma naanaano mmaliivuruni. Masi okhalaka wira owo Okathi wa Ekereja ya Lawotiseya hiyo nryahu, nrowe niwehe paahi mikhalelo.

<sup>38</sup> Nkintthuna okuxa hata yoosoma nnakhala etthu, okhala wira hiyo kханиhiyo . . . nilavulaka paahi voohilipelela, noonaka wira nilavule etthu p'itthu Apwiya anneetiheryaya wira niire, masi etthu emosa yaarowa onikhaliherya.

<sup>39</sup> Nrowe nuupuwele Okathi wa Ekereja ya Lawotiseya ni mukhalelo aya olelo. Mpakha vansuwelaaka, miyo nkinoona etthu enikhoottiha, okathi ula, Orwa wa Apwiya Yesu, voohikhala olikana wa Ekereja Aya. Kinoona wira emosa wa s'e—s'eprofeta . . .

<sup>40</sup> Nsana, nirwaaka mukaaroni, neettihale mahiku maili, okhuma oTucson, nno, ikilomo ikonto tthaaru ni imiya piili ni muloko ni thanu na xexe, Billy ni miyo. Nto siiso hiyo, vano, eyo yaari voohihonona hata malamulo a eyuupelo. Naahikhala oratteene. Kaamukilaathi vale, owo eettihaka vale, nto miyo—miyo kaanvenxa—kaanvenxa matata aka oowuupiwa ntoko kapwitthi ni ekasulo ottuli. Kaammoona owo orowa. Miyo kiiraka, “Nwehererye minuutu mmosa, mmiravo.”

Vano, hiyo ninnihimeeriwa, “Mmunnye Kesari eri ya Kesari.”

<sup>41</sup> Nto niphiyale nno nsana ohiyu, mwaaruusi mmosa mwaamukhani aarimwaataleleya epannte ekina ya ephiro, oophiyaka miyaakha miraru; ame awe akhwieene mulittini. Mmiravo mmosa oohapaliwa, akhumaka R.O.T.C., orina miyaakha muloko ni mithanu na miraru, eettihaka ikilomo emiya ni miloko mithanu na mixexe ni tthaaru khula ewoora, moonoo woothiyana wa ephiro, khuwiivasa. Ni kinoona wira owo aamookhwa, nave. Vano mwaamuwerya osuwela exeeni iyo.

“Mmunnye Kesari eri ya Kesari.”

<sup>42</sup> Athu oohittheke akhwaaka. Mwanamwane mwamuthiyana a miyaakha miraru khumpweteya ekumi awe, mwaha wa surtaatu namuhapaliwa, moone, eettihaka ikilomo emiya ni miloko mithanu na mixexe ni tthaaru khula ewoora,

yaaphimmwe, epantte yoovonyeya ya ephiro. Aarwa awelaka ntumuxa, akhukhuruwelaka ntoko overunya, khuwiiva othene aya vale vamosa. Miyo...Owo aamookhwa, nave. Tivo nto munoowerya woona, hata epantte yoohittheka yiira...

<sup>43</sup> Vano mmiravo owo t'ottheka mwaha wo wiiva mwa ephome yooriirya. Munnona? Kinoona wira mutthu aphwanyiwa-ru mphironi, awuryaka, aahaana ovahiwa miyaakha muloko, voolipa-vo, mwaha wo waakuva...wiiva woolakela; khula mutthu, okhala wira owo paahi...khula mutthu.

<sup>44</sup> Hiyo, khaninkhalakhala niiraka etthu yooreera ni ipoliitika. Ti soowuntta. Muupuwelo wa Muluku wo okhalana mwene, mwene naxariya, ti woolikana. Masi ipoliitika sinoomwareya paahi, nyuwo pooti othuma khulla etthu; owoka, wootha, wiiya, itthu sothene sikina. Ntoko sihimalyaka Ittiminku vakhani sivinre: ni nwehe varyanyu, moone, hat'etthu woohikhala nikhuttha na ohixariya wa sothene. Masi mwene naxariya onoowerya opaka malamulo awe. Ni nyuwo pooti omwiiva mutthu; munnisuwela ipoliitika sooreera, vaareera, nyuwo munimwiihuluxa eyo. Munnona? Nto siiso, ti, eyo—eyo...

<sup>45</sup> Temokrasiya muupuwelo wooreera, masi khenrowa ovara etthu. Siiso ntoko komunismu, itthu sothene voowuunlaana; eniiweya ntoko yooreera, masi khenrowa ovara etthu. Nnari. E...Enamuna ya Muluku okhalana mwene, ntoko saaryawe Davidi, yaari yooreera, ni munkhalana muupuwelo woohela eriyari sothene. Ntoko muhooli mmosa ni nikoto na marattha, wala sikina, khamukhanle ovaraka maili wala mararu aya. Vano, nyuwo munimwaatepanya othene aya, munikhuma ni khula enamuna ya muupuwelo.

<sup>46</sup> Vano hiyo ninnoona mikhalelo, olelo, soolikanela Orwa w'Apwiya.

<sup>47</sup> Masi, okathi Munna Neville ni miyo, n'axinna ala akina nimphavelahu orumeela nikoto, kookhalana etthu mmuruni mwaka vano, enoorwa, naakhanlyahu olavulaka.

<sup>48</sup> Eyo ti, kaahaakhela ewarakha nihiku nlo ya muhano mmosa ooreera murima. Nkinatoko waakhela; jaarwiye ni mutthu mukina. Nto owo vekeekhai aamukikhera kapatti-kapatti, wala aaphavela wira. Owo aahimya wira, "Nyuwu mootoko... Nyuwu Alipa a Nakoso aKristu khimukhanle wiiraka etthu wira mmweemexe Munna Branham?" Khwira, "Okhala wira owo ookumiha eliivuru ila vano eniitthaniwa *Okathi wa Ekereja ya Lawotiseya*, ni onookumiha-tho." Ni khwira, "Owo onkherakhera paahi mwixuttiho w'ePentekosite." Khwira, "Vano owo onihimya wira eyooniheryo yoopacerya kahi olavula ilavulelo." Ni khwira, "Vano, owo ohaana nthowa ni athiyana alaleyi." Ni ola aari mulaleyi muthiyana. Ni an'awe axilopwana, amosa-amosa w'axipatthani oorerelaxa kirinaaka

molumwenkuni. Owo . . . Awo ari eriyari y'apatthani ooreerelaxa kirinaaka. Nto owo khwira, "Vano. . ."

<sup>49</sup> Nto mulopwan'ola ni amwaar'awe, kaalya yolya ya voosiisu ni yaawo; awo khwira, "Munna Branham, nkawehani ila. Mwaamuupuwelela yeela?" nto khukumiha ewarakha.

Miyo khwira, "Ahe, munna, owo khonsuwela saana tu."

<sup>50</sup> Amiravo yaahikileela wira ame aya yaari muthiyana mulaleyi, ni wira khayiiraana ni Mutthaka.

<sup>51</sup> Nto vano owo onihimya va, owo ohimmye wira, "Vano owo ohimmye wira, 'Athiyana khiyaakhanle okhalanaka okhulupale vasulu va alopwana.'" Khwira, "Ankhi Fepe mBibiliani, nammukhaliherya Paulo?"

<sup>52</sup> Vekeekhai, owo aari natmaumiha mireerelo. Ni Paulo aahaavekela atthu. . . Nyuwo munuupuwela wira Paulo aamwiira, "Athiyana akhaleke oomaala mukereja, ahitthuniheriweke olavula," nto khunarukunuwa ni wira, "Vano, Fepe, namakikhaliherya mwa Ehapari yoorera, owo onoorowa olaleya ohiyu kamosa-kamosa?" Vano, owo aanvirikanya nuulumo nawe yoowo. Munnona?

<sup>53</sup> Ni khwira, nto, okhalaka ntoko wira khiyaaphiyenrye (Kookupali wira aari Esteri, aari mmosa a makhulupale mBibiliani.), iirale, "Muthiyana aari mphuki mBibiliani. Owo waahikhale okhulupale vasulu va alopwana!"

<sup>54</sup> Nto mulipa a nakoso ola ovonihiwe vaava mukereja woohikhala khalayi, owo khwira. . . Vano, amwaar'awe khwira, "Munna Branham, eyo kweekwe ennikitikinihaka."

Miyo khwira, "Vano, munna, enootikiniani sayi?"

Khwira, "Ahe, va ori muthiyana mphuki."

<sup>55</sup> Miyo khwira, "Eyo epoliitika, kahi ekereja. Eyo kherina naata ni ekereja."

<sup>56</sup> Paulo ohimmye wira, "Awo yiiweleleke, ntoko sinihimyaya ikano." Ni ikano khikhanle omuhelaka muthiyana wira akhale namukuttho; khikhanle omuhelaka. Nyuwo khimunatoko omoona muthiyana mukhulupale a anamukuttho. Khimunatoko omoona muthiyana namukuttho, hata nipuro mBibiliani. Nkinatoko omoona muthiyana mulaleyi, mBibiliani. Vekeekhai.

<sup>57</sup> Akina aya yaari maprofeta athiyana, ni sikina; Miriyamu ni akina. Ni Estheri. . . Mmosa aya aari mphuki a Isarayeli. Imaara sikina awo yaari mapwiyamwene a yaawo, ni sikina siiso, mwene ni pwiyaamwene. Okhwa wa mwene, pwiyaamwene aahaana okhala voopuroni vawe mpakha othanliwa mwene mukina, ni siiso.

<sup>58</sup> O—oTucson, Arizona, hiyo nookhalana muthiyana mmosa mphuki iwe opooma. Mwaha wa yeeyo epooma ery'aya yoohononeya. Ni nookhalana. . . Muthiyana khorina-vo ethu

mwa ipoliitika. Owo khorina-vo etthu ni...hata okhulupale mukereja.

<sup>59</sup> Nipuro nawe okhala pwiyamwene a mulopwana owaani. Woohikhala yeeyo, owo khorina etthu. Ni noosuwela wira eyo Ekeekhaii. Khimunrowa ophwanya nnakhala...Koosuwela wira eniiweya okhala ya khalayi, masi miyo kinnithokorerya.

<sup>60</sup> Ni koosuwela wira, kakhuma-ru elapo ela ya vathi, ifiita iyo ni iliivuru iyo sinootthikela sikhhalaka, ni anci-ene a nyuwo amiravo munoosuwela, mahiku anoorwa, wira ela Ekeekhaii voolikana, okhala wira kinlavula mwa Nsina n'Apwiya.

<sup>61</sup> Vano, hiyo ninniikoha moota xeeni muthiyana, okhanle muthiyana ooreerela, ni owo ooruuha mulaponi mu ni iy'awe oororomeleya, mulopwana ooreerela, amosa w'aximiravo ooreerelaxa kitonko aka waasuwele, awo alopwana, kitonko aka waasuwele. Nto naanaanoru, awo vaiwanse aya Mutthaka, awo yaahikupalihwiwa ni Yoowo, ipursentu emiya. Vano, eyo yaawerya paahi orwa ni otthokiheriwa khalayi ene, enamuna emosa paahi ekhanlyaya orwaaka.

<sup>62</sup> Vano, yookoha t'ila, va. Miyo kuupuwele yeeyo, moone, vano mwaha wa xeeni Apwiya yaakihokoloxaya. "Ni moosuwela, moosuwela...Khamunsuwela; nyuwo mwa oohiwar'etthu, oohaawa, ootakhaliwa, oohoona, nave khamunsuwela."

<sup>63</sup> Kihinatthi ophiyerya nipuro nlo, kaamuwerya ohimya vakhani ele kihimye aka mahiku vakhani avinre, va Mmutthakani wa, kookupali wira waari, *Muluku a Olumwenku Ola*; ootthuka maitho a atthu, awo animukokhorelaya xetwani nara mwa miteko sa etiini. Othene anyu muhiiwa saana yeeyo? Othene anyu muhiiwa saana? [Muthukumano oniira, "Amen."—Mol.]

<sup>64</sup> Vano nto Mmutthakani mwene mwemmo, kooruuha mwaha, wira, muthiyana onwara ikuwo soohifayi, voohureya, owo ti, onoolamuliwa Opwaro wo Olamuliwa ntoko namuttompe a mphironi. Eyo eniiweya vootikiniha saana.

Mukihiye kooruuheleni elatarato yaamukhaani.

<sup>65</sup> Vano, va ori mulapeli mmuttettheni, mmiravo, ni owo mutthu ooreera murima. Vanaasiwa e—vanaasiwa epoliitika, kinnitthokelela wira owo t'olakeya ntoko khula mmosa, ipoliitika sawe. Vano nto owo onoorowa ni mwali okhanle oosuweliwa saana. Awo anoosivelana khuthelana. Awo annikhala mmeerani mothene ni itthu suulupale, ni othene aya anwurya vamosa. Vookiserya, owo...Owo orina empa yooreera. Owo onkhala ni anamwaattamanani ooreera murima. Owo vekeekhai t'owooniwa saana eriyari y'atthu. Masi owo...Oowaili aya anniwuryasa. Owo onninwara kaputtula, onnimettha maihi, onniisootthi itthu wiitho, sothene soopaca saana, muthiyana ooreera aisooniheriyaka. Ahe, owo khonrowaka okereja, nnakhala, hata mmosa wa awo.

66 Vano, enoovirikana, empa enttharelana wa yaawo, onrwa muthiyana mmosa a ekereja Patista wala ekereja Metotista, owo ni iy'awe. Vano, muthiyan'ola . . .

67 Nrowe nihimye wira Mmetotista, okhala wira aMetotista anneettelaxa owaarya vakhani waavikana aPatista; othene waahiya aPatista a Waataana Wa Naanaano, annaamini owaarya. Masi, voolimaleleya, aPatista khaneettela owaarya nnakhala, moone. Awo khanaamini etthu iyo. Tivo nto, vano, nrowe nihimye wira aMetotista okhala wira awo annaamini owaarya.

68 Vano nto muthiyana Mmetotista onthaamela empa yowaattamela ya muthiyana ola, ephiro emosaru. Aiy'awe a . . . Nrowe niire awo anakontha a anamunci-ene, ni, wala muteko khata. Ahe, muthiyan'ola Mmetotista oninweha muthiyana mukina.

69 Nto mulapeli ola aarowaka opooma . . .Nsina nawe ti John; nrowe nihimye wira nsina nawe ti John. Vano, muhitthokelele yeeyo vano. Kinkuxa paahi masina oowuupuwelela vano. Nto nsina nawe ti John. Ahe, muthiyan'owo aanikhumaka ni Ralph. Ni nlo nsina nowuupuwelela, othene aya, moone, wira nvare saana ehantisi ene, wira nipake elatarato.

70 Ahe, naanaanoru, vaniirani n'anamuhapaliwa, Ralph onompatikha-tho. Ahe, owo onkhala othene oohakalala, okhala wira oosiveliwa-tho ni Ralph, owo onuupuwela siiso. Vano, nuuvira okathi vakhani, Ralph onoopacerya okumana ni yoowo. Ni owo onoowerya omuwoka John, omoototha. Ni oniisoono okhala mulavilavi, okhala wira onniwerya okhuma ni Ralph, othiliwe-ene ni john. Moone, muthiyan'owo hata khoniiseettiha vootthuneya ni wiisumaaliha, ni khonuupuwela hat'etthu ya yeeyo.

71 Masi muthiyan'ola Mmetotista oleliwe munlokoni nikina. Owo, onnirowa okereja, mano, ni onuupuwela wira muthiyan'ole t'otakhala. Vano, owo onnaaleela aiy'awe, okathi anrwaya, "Kinnimoona mulopwan'ole ovolowa mme ni okumana ni ole. Nto John akhala ota wa mwaha mmosa nipuro nlo, Philadelphia wala nipuro nlo, owo onoomukuxa ni roadster awe, ni awo animummaathi ophareya. Kinniwoona jaarwaaka owaani; hata khankuruxa ikurttiina imaara sikina, ompecariki ni osivelanaka ni yoowo, vakhiviru . . . Oh, eyo kahi yoowoopiha?" owo onaahimeerya aiy'awe. "Vano, owo kahiyo hat'etthu woohikhala namuttompe a anamunci-ene." Eyo ekeekhai. Owo t'otepaxa onvikana namuttompe a anamunci-ene, okhala wira owo muthiyana ootheliwa. Munnona? Nto owo, muthiyan'ola, muthiyan'ola Mmetotista, onuupuwela wira ti yoonanara, owo khonrowaka okereja.

72 Vano, muthiyan'ola Mmetotista khaarowa wira etthu ntoko eyo. Nnari, nnakhala. Owo muthiyana oophwanelela. Ni etthu

ekina, owo khaarowa omukwannya wiskhi nnakhala vakhani, okhala wira, ekereja Metotista, ipursento miloko mithanu na mixexe sa epokrama aya okhoottihiwa wiskhi, okhoottihiwa wiskhi. Tivo, awo ahaana epokrama ya okhoottihi, ni athu ale a ekereja ele Metotista khankhala vasuluxa ele kereja eyo eniixuttihaya.

<sup>73</sup> Masi muthiyana ene yoola, muthiyan'ola Mmetotista, onnikhuma, makaaripi, ni aiy'awe, onwanre kaputtula Ttiminku, nuumala exikola ya Ttiminku. Owo onnimettha maihi. Owo onnootta epato, ni hata omulya soona vakhani.

<sup>74</sup> Vano, mwa Masu a Muluku, oowaili aya anamittompe, masi *ola* va "t'ohiwar'ethu, oohaawa, ootakhaliwa, oohoona, nave khonsuwela." Mmosa t'othekaxa ntoko mukina, okhala wira, "Mulopwana oninweha muthiyana, anwereihaka murima, ooraruwana muthiyan'owo mmurimani mwawe."

<sup>75</sup> Nto vakhala wira muthiyan'ola, vano, owo aamwiira, "Nwehererye minuutu mmosa paahi, Mwenye Branham. Kintthuna wira mwiiwe saana, nkihiyo namuttompe." Murokor'aka, khino ankhi mwaaroihiwe ohoodo wa Bibilia, ni muhela matata va Yoowo Ohoodo wa Muluku, ni mulaphe ni elaphelo wira munnikhalaka oororomeleya—oororomeleya wa aiy'anyu ntoko mwaakhanlyanyu okhalaka. Erutthu anyu ti ya aiy'anyu, masi munepa anyu ti wa Muluku. Yookhala erooho yootakhala yoottikitthenleni. Eyo, mwaahikhale, weeso nyuwo mwa. . . Miyo kinoowerya wooniherya wira nyuwo mwa oovahuwa voomalela.

<sup>76</sup> Exeeni yaarowa waakhumelela apiipi anyu vaakhanle wira yaahikhumela mphironi anwanre-ene kaputtula owo? Yaamwiira eheliwe empa ya anamukhw'anepa; awo akhumme ahiwanre evestiitu aya. Yookhala etthu ehilonke ni muupuwelo aya. Vakhala wira yaari siiso okathi ole, ti siiso vano.

<sup>77</sup> Tivo ennikeliha olumwenku wothene monaanepani. Etthu yothene ti yo onaanepa. Ni eyo ekenle voomaaleleya mpakha athu ahinsuwelaya.

<sup>78</sup> Vano, owo namuttompe? Kahi vanihimya aiy'awe, ammanne natiri wa erutthu awe. Masi, ohoodo wa Muluku, owo orina erooho yootakhala, ni ya oraruwa mwa yoowo, enimwiiriha owo wiiwariha siiso. Ni owo ori mwa Okathi wa Ekereja ya Lawotiseya, ni khonsuwela wira onnira yeeyo. Muthiyana oohittheka khonsuwela wira Muluku onoorowa omulamula ntoko namuttompe. Eyo eri vo.

<sup>79</sup> Nyuwo mmoonihe Eyo; nyuwo khimunwerya omuleela. Khiyaavo enamuna yoomwiiriha owo wona Eyo. Bibilia ohimye wira, "Awo khawanre etthu nave khansuwela."

<sup>80</sup> Nyuwo mwaamwiitthanne-ru owo namuttompe, mmansinyu, aamoothukelihani. Aamwiira. Miyo nkimmulavulaka mutthu mmansaka. Miyo kinlavula sa etampi.

Miyo nkinihimya wira, “Ekereja khata *ela*, Mwenye *Lexe exe* iwe, Reverendu *Lexe lexe*, owo e...” Nnari, nnari. Miyo kinihimya eyo, mwiixuttiho wa yeeyo, moone, etthu yothene vamosa. Miyo nkimmuromola mutthu mmosa. Kahi atthu v’omeekha. Ti eyeettiheryo awo aryaya-mo. Ti eyeettiheryo ya molumwenkuni.

<sup>81</sup> Munna George Wright okilaanthe va ti...Owo orina miyaakha miloko mithanu na miili ni mithanu wala miloko mithanu na miili ni mithanu na miraru, woona waka. Munuupuwela wira yaarowa wiiraneya exeeni mwaaronwe oomona Munna Wright muthiyana nihiku nlo, ni owo aakhanle eemlele ni onwanre kaputtula? Vano, khimwaakhalakhala, mwa—mwaamwiira mmuthukihale-ene muthiyani’owo. Khimwaarowa wira mmuthenle-ene. Vano, aakhanle mmiravo nihiku nle aarowa wira, etthu emosaru yeeyo yaamwiira yiiraniye. Ahe, vakhala wira yaari etampi ni yoovonyeya okathi ole, etthu emosaru; masi atthu arookela mwaanepani.

<sup>82</sup> Mukitthuniherye koolaleeryeni etthu, okathi vakhani ehinatthi wiiraneya. Olumwenku wothene onthukumana mwaanepani, ni onrowa okhala wootepe ni wootepe ni wootepe, mpakha ninrowaya okhala nikhuru na ananvahuwa. Ni eri ntoko siiso naanaano va.

<sup>83</sup> Mwaamuwerya omutthokelela mulopwana eettihaka ekaaro aattipinhe aluuxu, epantte yoovonyeya ya rampha, Ricky mmosa, mwammiravo, onaanyiheriwa wira onoomala-ru okhuma oxikola sekuntaariya, wiiva nikhuru n’atthu. Eyo ennaahiiha? Oottharelana aarwa ottuli wawe, airaka etthu emosaru. Munooverya omutthokelela mmiravo onuupuwela wira etthu ya...etthu ya yoowo mmansawe, akhumaka va airaka ntoko awo siniirasaya.

<sup>84</sup> Mwaamuwerya omutthokelela mwali, ni othapuluwa wa omuthiyana, ooreera, oopakiwa saana, oopakeya, mukhalelo, wiitho, ooreera; nto etthu ene wira owo t’oreera enooniherya wira niri okathi wa wookiseryani. Moone, owo othene oronwe voomalela mwa mikhalelo sa molumwenkuni, itthu sa molumwenkuni ni kahi oreera wa owaarya, esivelo mmunepani mwawe. Koowoona athiyana, ota waya yahaakhanle etthu yo oweha, masi nyuwo mulavule ni yaawo emaara emosa, mulavule ni yaawo minuutu vakhani, awo etthu y’ekeekhai ni yooloka muhikhanle anyu wiihuluxaka. Moone, oreera wa ota ti wa xetwani, ti wa olumwenku.

<sup>85</sup> Nkaaweheni aana a Kayini, moota yaakenlyaya mwa yeeyo. “Okathi aana a Muluku awoonalyaya aana a atthu wira yaari ooreera, awo yaahaakuxa wira ekhale axaar’aya,” ni Muluku khonaaleveleleke.

<sup>86</sup> Nwehe, axithiyana awo aIsarayeli ni—ni matata a imaku, ni maihi oonyokotowasa; okathi aana ale a Muluku awenlyaya

ovira elapo ya Mowabi, khwaaphwanya axithiyana ale oorerela ni maihi ookhalihwa oratteene, ni oophampwa, ni manikuure oowaatta wiitho waya, wala ele muniihananyu; nto okathi aana ale a Muluku awoonalyaya athiyana ale ooreera murima, profeta mmosa oowootha khwira, “Hiyo othene na mmosaru.” Ni awo khuthela eriyari aya, ni Muluku khonatoko waalevela.

<sup>87</sup> Awo yaahipweteya mothakoni. Khula mmosa a awo aahikhwa vaavale, oohikhalana nrromelo, oohikhalana Muluku, ni aapweteya Voohimala; oohukhummwa voohimala, enaamwi yoonale oreera murima wa Muluku, enaamwi yaawunrye veephattuweloni ehinuuma. Awo yaahiwurya yamwala woomaniwa. Awo yaahoonu enowa y’eporonse opaka miiriya. Awo yaakhumme vathi va opatiiso wa Moise mphareya. Yaahoonu ntata na Muluku. Yaahilya yolya ya Nlaikha, ni yaahira itthu iyo sothene. Masi yaahiikelih athelaka, yaahaahiyererya athiyana waakeliha, ni yaahithelana yaaworu. Kahi oraruwa, yaaroothela eriyari aya; Muluku khonaleveleleke eyo.

<sup>88</sup> Owo p’ukathi waneili yiireiye aya. Vano hiyo nri va emaara ya neeraru, voowokaxa vano sihinatoko aya.

<sup>89</sup> Miyo koosuwela wira eyo ti yoolipa. Ni imaara sinci-ene kinniikohaka, mwa inamuna sinci-ene, moota xeeni enrowaya okhala? Xeeni kirinaaka waalavulelaka voolipaxa atthu? Exeeni eniiriha siiso? Ni nnakhala vo, kinniweha, ahaari Muluku, khaarowa okhala hata mutthu, hata muthiyana aarowa okilaathi ni okiwa. Masi awo annihokolowa, okhala wira ookhala mutthu orina nankura mwaamukhaani a Ekeekhai vo, onsuwela wira Eyo ekeekhaii. Voochala, awo annisuwela wira Eyo ekeekhaii. Vano nwehe etthu eniiraneya. Miyo koosuwela wira ti yoolipa.

<sup>90</sup> Eri ntoko meetiku oovanheni-ru murette, vano nyuwo mukhoota owurya, vano muhimootherye meetiku mwakhwa vale. Ni Ela eri ntoko murette. Ankhi atthu ala kweekwe anihimya wira miyo ka mulipa-oowaanyokha athiyana?

<sup>91</sup> Munnoonu, nwehe paahi moota athiyana aniiraaya, ni miyo kinoowoonihani nipuro ekereja eryaya. Olakeya wa athiyana ori mwa Lawotiseya, molumwenkuni, vanaasiwa erutthu, “oohiwar’etthu, oothoiwa, oohoonu, nave khansuwela,” a—atthu, athiyana a molumwenkuni. Ni ekereja eri mwa mukhalelo mmosaru. Nwehe y’erutthu enthoonyerya ya erooho, voomalela, khula okathi. Vano, nihiku nimosu Opwaro wo Olamuliwa . . .

<sup>92</sup> Miyo koosuwela wira kehiyo y’atthu othene ohimya. Ni mutthu aahitthomeliwe-ru ohimya, vanreerela ahihimye; okhala wira nyuwo munootakiherya, vano nto munimwiikelih mmukattiyamihoni, vekeekhai.

<sup>93</sup> Vano nwehe. Miyo vekeekhai, enkhala ntoko, mwa wakathi, kookhalih eyano ya muthiyana yoothukuwa khuyeeherya Murette mwaano mwawe, vano nto kinookhala ni matata

vayanoni vawe, nto owo onoosanya Owo khula okathi. Ankhi tothoro aamwiirinhe yeeyo mureta, vano mureta khukhwa okhala wira orookhootta omirya murette? Opwaro wo Olamuliwa, okathi itthu iya sothene ntoko omettha maihi ni waawara akaputtula ni. . .

<sup>94</sup> Miyo kinooteka paahi. Okathi ori vakhiviru munrowanyu woona etthu wiiraneya, etthu enrowaya okhumelela. Nto mulipiheryo ola wothene va onthipela mapotto paahi wa Mutthaka mmosa, wookhuvaya ni wowaakuveya onrowa ottikinya ilapo sothene.

<sup>95</sup> Etthu kinaapwapwelakaaka athiyana, enkhalaka vasulu va wa etthu mukhanlyanyu okwanyaka vamuru, ni yeeyo. Hata kiphavelaka waaleela ele ekhanle yooreera. Ni kinkhaliha ntata nimosa *sa*, ntoko wira yaari eyano, nto awo anoosanya. Vano t'ani okhanle omootheryaka meetiku?

<sup>96</sup> Munrowa ohimya sayi, Nihiku n'Olamuliwa, okathi masu ene ampwapwelaka yeeyo, anrowaya orumiha-tho etisku ohoolo wa atthu? Vano awo anrowa otthyawa sayi yeeyo?

<sup>97</sup> Ansenya Owo eriyari ya ikatha sanyu. Anooyeeherya mukina vathi, nto vookiserya anttikinya muru aya anooviruwa-tho, ni anoothika, khaniira. Nnya, nyuwo munoothika-tho ni oyeeherya-mo emaara ekina. Nto taani wo omuhimyana mulattu? Kahi tothoro, kahi Murette, masi mwiirelo wa mutthu. Eyo ekeekhai. Ninrowa okhala nihiku noowooipiha, nimosa wa mahiku awo, okathi nloko nla na etampi ni noorarua ninrowaya okhala ohoolo wa Muluku Oowerya sothene.

<sup>98</sup> Kinnoona miyaakha saka sikelelaka ohoolo, makhata aka yuuramaka; ni, koosuwela, miyaakha miloko miraru vaplataforma va, ayo, miyaakha miloko miraru ni miraru vapuwani va. Eyo ekumi yoolekela. Iyo miyaakha miloko miraru ni miraru sa muteko. Eyiineliwo murima emosa paahi kirinaaka; kahaarinaaka miyaakha emiya ni miloko miraru ya yeeyo. Maana ola onrowa okhala okathi wookiserya onrowaaka okhalana, kiryeene va ntoko mutthu onkhwa, wira kilaleye Ehapari yooreera. Muluku akikhaliherye wira kikhale oororomeleya ni oororomeleyaxa kikhane aka okhala, ni Masu awo, ni ohimya siiso ntoko Owo sinihimyawe.

<sup>99</sup> Exeeni emwiirinhe muthiyany'ole Mmetotista. . .Mwaarowa owerya sayi omoonihya Yeeyo? Ola ori va, mwa Okathi yoowo wa Ekereja ya Lawotiseya.

<sup>100</sup> Vano ninrowa omukuxa muthiyana muPentekosite. Owo khaarina waawaraka akaputtula, wiisoottiha itthu wiitho, wala omettha maihi awe, masi owo oninweha Mmetotista amuthanyaka, oniira, "Nkanweheni muthiyany'ole wira *elexe ni elexe!*" Nrowe nihimye wira muthiyany'owo khoninwara kaputtula, masi onihimya. . .ni owo orina maihi ometthiwa. Munnona?

<sup>101</sup> Vanrowaxaanyu osulu mwa Muluku, etthu yothene enooneyaxa okhala y'etampi. Vano nto imaara sikina, mmavekeloni, munoowerya otthokelela, okathi Erooho Yoowaarya enoottukhulayani mpakha mukhalelo mmosa, nto etthu yothene enkhala ntoko yoonanara. Vano mwakhuruwela-tho vathi, enkhala ntoko wira nyuwo mwa, w'atthu, mwa mulavilavi, wira nyuwo mwa—nyuwo khamuhiyo hat'etthu woohikhala mutokweene a nnyoho. Nyuwo mwa mulolo, okhala wira nyuwo munikhala ntoko mutokweene nanvahuwa ni okathi wothene mwaapwapwelaka atthu. Masi mwakhalakhalaru mukelaka mapuro awo emaara emosa, memmo munweryanyu okhala Ohoolo wa Muluku (kahi ni wuukhuwa, masi ni ovenxiwa wooloka wa Erooho Yoowaarya), etthu yothene ti yoolempwa, "IKAPOTI." Ovuwa w'Apwiya wookhuma munikhuruni nothene na muromolelo. Ti yeeyo. Khuwaavo hata mmosa wa seiyo okhanle woolikana.

<sup>102</sup> Vano mukihye kookweretheleni nreko naamukhaani. Kaarina ekwaaturu yooriipa. . . Masi kintthuna wira nwehe va. Kinrowa opaka nreko nimosana ntoko *nla*, ni kinrowa opaka nreko nikina muhina mwa nreko nlo, ari maili, ni kinrowa opaka nreko muhina mwa nreko nlo. Ale mareko mararu, mattheke mararu. Vano, eyo ti nyuwo.

<sup>103</sup> Owo Mulukuu. Muluku mwa oraaru ti Mmosa, ni ohikhalanne oraaru Owo kahi Muluku. Owo khokhanle wiisooniheryaka enamuna ekina.

<sup>104</sup> Ni nnakhala khimukhanle wooniheriwaka muhikhanle mutthu a oraaru nyuwo mukhanlyanyu, eyo ti: erutthu, erooho, munepa. Ehikhanle emosa wa seiyo, khimummalela. Munnona? Mwahaarina munepa, khimwaarowa okhala etthu; mwahaarina erooho, khimwaarowa okhala etthu; mwahaarina erutthu, mwaarowa okhala erooho paahi, kahi erutthu.

<sup>105</sup> Tivo, Muluku t'omalela mwa omosa wa oraaru wa Ookhala mmosa; kahi omosa wa oraaru wa *ookhalasa*, masi Ookhala Mmosa mwa omosa wa oraaru. Tithi, Mwaana, ni Erooho Yoowaarya ti Muluku mmosa eekeekhai owooniheriwa. Muluku!

<sup>106</sup> Nwehe va, mulipelele paahi, miyo—miyo kookupali wira koosoma minuutu vakhani sivinre. Nwiriyanne ela.

*. . . nlaikha na ekereja ya . . . Lawotiseya mulepele;  
Itthu iya onihimya ti Amen, namoona eekeekhai ni  
ooromeleya, epacereryo ya opattuxa wa Muluku;*

<sup>107</sup> Muluku ti Mpattuxa. Nto Owo otonko opattuxiwa sayi? Masi ola ti "epacereryo ya opattuxa wa Muluku." Okathi Muluku, Erooho, epattuxiwaaya mwa mukhalelo wa Mutthu, yoowo aari Muluku apattuxiwaka; Muluku Mpattuxa, Mwaneene, akhalaka yoopattuxiwa. Muluku, Ole opanke etthaya, khupaka ekalsiyu, khupaka epotaasiyu, waarya wa olumwenku, apatarooya,

aarootakanxa etthu ene vamosa khwiipattuxa Mmansawe, mwa “epacereryo ya opattuxa wa Muluku.”

108 “Amen,” ookiserya. *Amen* enihimya “ekhale siiso.” “Emalelo ya Muluku,” okathi Muluku omalinhe awe mwa opattuxa Wawe.

109 Vano, yaari sayi? “Khaavo otonko omoona Muluku, masi ole Mmose-ene a Atithi oomusuweliha Yoowo.” Munniiwa?

110 Mwiwe, minuutu mmosa paahi, nyuwo khimunaakuva. Nrowe nikhunle mwa aKolosi, minuutu mmosa paahi. Erimwiiraneya wira...erookirweela Yoolempwa emosa mmuupuweloni. Nrowe nikhunle mwa aKolosi, Eliivuru ya aKolosi, ni nikuxe...Kookupali wira kapiitulu 1. Kihaana okhala ooweha yeela, okhala wira khetthokeleliwe va khalayi ene. Tivo ki...Ntoko kaakhalakaaka, okathi waaryaka mulaleyi mmiravo, kaaniwerya wuupuwela itthu iya naanaano va, masi okathi onuluvalaaka. [Munna Branham oruminhe ikatha sawe—Mol.] Nrowe nipacerye versiikulu 9, kookupali. “Tivo...” Ti Paulo aaleelaka aKolosi sa Kristu, Ole Owo aari-awe.

*Tivo nave-tho hiyo, okhuma nihiku niwale-ahu, khannihiya woovekelelani nyuwo, ni...ovekela wira musarihiwe n’usuwela wothene wa otthuna wawe mwa miruku sothene sa muroohoni ni maiwelo;*

*Wira mweetteke simphwanelaaya Apwiya mwaasivelihaka yaawo, nvaraka miteko sothene sooreera, ni munnuwaka mwa omusuwela Muluku;*

*Mulipihiwaka othene...voolikana ni ikuru sa ovuwa, sa ovilela mpixaka murima ni otthapa;*

*Mwaaxukhuruku Atithi, yaawo aphwannye...yaawo aniphwanyinhe makhalelo...oowira mpantta wa yoorithi ya atthu ooreera murima...*

*Anivulunxe mooweryani w’epiphi, khuniroiha momweneni mwa Mwan’Aya omphentale aya:*

111 Va ninoophiya vano. Nwehe.

*Mwa yoowo noopoliwahu mwaha w’ephome awe, oleveliwa wa etampi:*

*Yoowo okhanle elatarato ya Muluku ohinooneya,...*

112 Munniiwa? Eversiikulu 15, aKolosi 1:15.

*...mwaana oopacerya a soopattuxiwa sothene:*

113 Amen! Exeeni? “Mwaana oopacerya a soopattuxiwa sothene.” Nikhale Nlaikha, enakhale-ru etthu p’itthu; Owo t’opacerya a soopattuxiwa sothene.

*Okhala wira mwa yoowo itthu sothene soopattuxiwa—itthu sothene soopattuxiwa, siri wirimu, wala...elapo ya vathi, sinooneya...sihinooneya, sikhale ihice, sikhale owerya,...okhulupale,...*

*owerya: itthu sothene sipattuxiwe ni yoowo, ni sipattuxeriwe yoowo:*

114 *Brrrrr!* Enakhaleru etthu p'itthu; khaavo ookhala mukina! Nwehe, "Ni mwa . . . Ni owo tivo ti . . ."

*. . .owo ookhala itthu sothene sihinatthi, ni mwa yoowo itthu sothene sinnikhala.*

115 Okhale Tithi, Mwaana, Erooho Yoowaarya, etthu p'itthu, "Owo ookhala itthu sothene sihinatthi." "Sihinatthi itthu sothene siri Wirimu, vathi; sinooneya, sihinoneya, wala etthu p'itthu," Mwaana ola a Muluku aahikhala itthu sothene sihinatthi. Eyo ekeekhai? Nkincala, sikhale ihice, omwene, etthu p'itthu; Ihice sa wirimu, omwene, enakhale-ru exeeni mapuro maalupale oovikana soopattuxiwa, mwa Ihimalelo onakhaleru vayi waakhanle; sinakhaleru exeeni saakhanlyaya, Malaikha, amuluku, etthu p'itthu, "Owo ookhala itthu sothene sihinatthi." Amen! Khamunwerya omoona Yoowo? "Owo aahikhala itthu sothene sihinatthi; ni sipattuxiwe ni Yoowo. Owo . . ." Versiikulu 17.

*Ni owo ookhala sihinatthi itthu sothene, ni mwa yoowo itthu sothene sinnikhala.*

116 Khiyaavo etthu enwerya ovaraha muteko woohikhala Yoowo. Okhale Muluku Tithi, Muluku Erooho Yoowaarya; ekhale Malaikha, omwene, owerya, oruma; enakhale-ru exeeni, itthu sothene sinvara muteko mwa Yoowo. "Itthu sothene sinnikhala mwa Yoowo." Owo!

*Ni owo turi muru wa erutthu, ekereja: yoowo okhanle ephattuwelo—yoowo okhanle ephattuwelo, oopacerya ohihimuwa mwa alipa-ookhwa (eyo ti wii, omuhihimuxa ole Owo aarwenle-awe onvuluxa); wira mwa itthu sothene owo akhale oopacerya.*

117 "Wira akhale oopacerya," moosuwela enihimyaya? Eyo ti wii, "vasulu va sothene." Owo ori vasulu va itthu sothene sitonko opattuxiwa; khula Nlaikha, khula ookhala, khula—khula etthu ekhanle. Owo ori vasulu va itthu sothene. Yoopattuxiwa xeeni Ila? Okhanle okhalaka Pani? Vasulu va itthu sothene! "Ni akhalihaka murettele . . ." Nrowe noone, minuutu mmosa paahi. Oopac- . . .

*Okhala wira ehaasivela Atithi wira mwa yoowo okhale omalela wothene;*

118 "Omalela wothene wa itthu sothene." Omalela wothene wa Muluku, omalela wothene wa Malaikha, omalela wothene wa okathi, omalela wothene wa Ehimalelo; itthu sothene saakhala mwa Yoowo. Owo ti Mutthu ula.

*Ni, ookhalihaka murettele muhina mwa ephome awe vamwiikimanyo, mwa yoowo wira aataanihe itthu*

*sothene ni yoowo; mwa yoowo, iye, sa vathi, ni iye sa wirimu.*

119 Vo ori Ookhala owo muilupale hiyo nimmuhimyahu, “Epacereryo ya soopattuxa sa Muluku.”

120 Vano, vano siiso, Ekereja, siiso etthunelo Awe yothene yaari Ekereja. Vano hiyo ninkela sayi Mukereja mu? “Mwa Erooho emosaru hiyo othene noopatishiwa mw’Erutthu emosaru,” Ekereja, Erutthu ya Kristu. Khekhanle ovonyaka.

121 Vano, va eri ele eniiraneya. Vano nwehe ela, elatarato yaamukhaani yoowooniherya va.

122 Vano, mulopwan’ola ori ota erutthuu. Ti yeeyo enwehaahu; ele enonaahu. Ni owo orina ivolowelo thanu sa erutthu yeeyo. Ni khula mwanamwane a oxikola yoopacerya, ntoko yoomi, aamusuwela wira siri miyoonelo mithanu sineettiherya erutthu; woona, esivelo, waapapela, woona wunkha, ni wiiwa. Voohikhala yeeyo, khimukhanle okwanyaka erutthu. Eyo ti ephiro emosa paahi murinaanyu ya erutthu; woona, esivelo, waapapela, woona wunkha, wiiwa; munnoona yeeyo, esivelo, waapapela . . . Vano, eyo ti yootakhala, ota.

123 Vano, muhina mwa yeeyo yookhala erooho, yeeyo nyuwo munkhalaanyu okathi muniyariwaanyu mulaponi ni ephumu ya ekumi enimwiiseeleliwa mwa yoowo. Erooho eyo ti ya mukhalelo wa molumwenkuni okhala wira eyo khevahiwe ni Muluku, masi (evahiwe) erootthuniheriwa ni Muluku. Vano muhiiwa saana yeeyo? Okhala wira, khula mwaana oniyariwa molumwenkuni, “oniyariwa mutampini, ompakiwa mwa sootakhala; onrwa mulaponi oothaka.” Eyo ekeekhai? Tivo, mutth’uwo, muhina mmo, natampii, opacerya wene. Vano, masi . . .

124 Vano, orina ivolowelo thanu. Nto ivolowelo iyo thanu . . . Nkisuwenle sintoko kinoowerya ohimya sothene emaara emosa vano. Okathi e . . . Yoopacerya, koosuwela wira, wuupuwela, akhili, ni ophenta, othanla . . . Nnari. Akhili, ophenta, otthokelela . . . Siri ivolowelo thanu muroohoni. Khamunwerya wuupuwela ni erutthu anyu; muhaana wuupuwela ni erooho anyu. Khamunwerya okhalana akhili mw’erutthuni mwanyu. Kherina iweryelo sa mmuupuweloni nnakhala; erutthu anyu kherina, tivo nyuwo muhaana wuupuwela ni erooho. Nyuwo muhaana otthokelela. Nyuwo khimukhanle otthokelelaka eyo ni mukhalelo anyu w’erutthu, okhala wira otthokelela khonoona, khorina esivelo, khonaapapela, khonoona wunkha, wala wiiwa. Otthokelela etthu munweryanyu wira mmuupuweloni mwanyu. Vakhala wira munoorupa wala nyuwo muri ota wa muupuwelo, erutthu anyu yaataleleiyi vale yookhwa, masi erooho anyu nlelo enniwerya otthokelela. Sookhala miyoonelo mithanu sinimweettiherya mutthu owo a muhina. Ni eyo . . .

125 Vano, wa mutthu ookiserya, okhanle munepa, ori moonelo mmosa paahi oneettiherya yoowo, nto eyo ti otaphuwa... otthuna wa otaphuwa wo othanla wala okhootta.

126 Nto vano etthu atthu olelo... Vano, muhiliyale ela vano, ni nyuwo—munimoona ele Yoowaarya... eyooniheryo yoopacerya ya Erooho Yoowaarya ekhanle aya. Munnona?

127 Vano, atthu anniwerya okhala mwa erooho yeela, ni awo anniina muroohoni. Awo annikhuwela muroohoni. Awo annirowa okereja mwa erooho, ni anniwerya okhalana muttikithelo w'ekeekhai wa Erooho ya Muluku va erooho yeeyo, masi nlelo opweteya ni okhala oovariwa xetwani ntoko sikhanelle aya okhalaka, ni erooho yeeyo.

128 Okhala wira, nwehe, mwaha wa yeeyo mwahaakhanle anyu omuleelaka muthiyan'ole, owo aanwanre kaputtula, wira aahivonya. Khimwaakhanle omuleelaka wira omettha maihi awe yaari yoovonyeya. "Ahe, maihi anyu arina-vo exeeni ni yeeyo?" Ahe, eyo yaahikhalana-vo etthu ni Sansoni. Munnona?

129 "Ole onrowa waacererya nuulumo nimosa mwa Yaala, wala okumiha Nuulumo nimosa Mmo." Muhaana okhalana nuulumo nookiserya nipuro nlo.

130 Vano, mwa nlikanyiho, vaakhanle wira kaari mu—mu—mulopwana mmosa muPatista, nto nyuwo khurwa khukileela wira kihaana okhala—kihaana opatishiwa mwa Nsina na Yesu Kristu; eri mBibiliani. Ahe, naanaanoru, miyo kaamwiira, "Kinoomukoha pastore aka."

131 Ni miyo kinoorowa wa pastore; owo oniira, "Oh, eyo etthu y'ottuli wu, moone. Ayo, moone, hiyo aPatista, ela t'ile enaamini ahu; ninnaamini wira naahaana opwinihiwa ni ititulu sa "Tithi, Mwaana, Erooho Yoowaarya." Ti siiso ekereja yothene eniirakaaya. Okhuma okathi John Smith opacerinhe awe, ti siiso eniiriwaaya." Ahe, eyo ti yoohivaanyiheya anyu. "Mukhume ni etthu eyo mutthu owo onihimyawe!"

132 Ankhi nyuwo mwakhala Mmetotista, ni otathela ti eyeettiheryo anyu, nto munaleeliwa wira muhaana opwinihiwa? Munnoona entthunaaka ohimya? Munootthikela wa pastore Mmetotista, nto owo onoolepa ni omukoha pixipu, ankhi wira *lexe ni lexe* ohimnye *elexe ni elexe* sa ela. "Masi hiyo, ekereja Metotista, nikhalihiwe miyaakha imiya ttharu wala xexe khalayi, oInklateera, ni John Wesley, ni Whitefield, ni othene aya akina iwe, ni Asbury. Noopaka epaphelo ela, nimuttharaka John Wesley, wira nihaana omiseriwa, okhala wira enamuna paahi yo wuu...y'ota. Ni ninuupuwela wira omiseriwa ti wooreera saana ntoko eryaya enamuna ekina." Nyuwo mwakhala eekeekhai...Ekereja Metotista yakhala yoohivaanyiheya anyu, nyuwo munrowa mpakha vaavo.

133 Nyuwo mwakhala muKatolika...Nto kinimooleelani, khekhanle mBibiliani ohikhuura enama Namathanu, ni itthu

iya sothene siisa, ni “Okaristiya Woowaarya kahiyo oxitiya, okhala wira eyo Erooho,” ni sikina. Vano munoorowa wa namukuttho anyu, namukuttho oniira, “Ela eri va, yoolempwa elempwe vapapheloni vahu.” Ni ekereja yakhala nuulumo nanyu nookiserya, nyuwo khamuncala etthu mutthu onihimyawe. Eyo ti nuulumo nanyu nookiserya.

134 O Muluku, mukhaliherye wira ela ekele! Wa miyo, etthu yothene ti yoovonyeya. Masu a Muluku ti nuulumo nookiserya. Etthu p’itthu Masu awo anihimyaya, nto ti yoolikana.

135 Vano, enamuna emosa paahi osulu nno mapuro ala mu, mwaakhanlyanyu okhalakhala mukhalaka mwa mutthu ola mwaamukhaani a muhina; nto nyuwo muhaana othokiheriwa khalayi ene. Okhala wira mwaari ni Muluku, nyuwo mwa epante ya Muluku.

136 Miyo kaari mw’atithi aka. Ni kaari mw’apwaapu aka, ni mwa apwaapu aya apwaapu aka. Mwa epyo, miyo kaari mwemmo.

137 Ni miyo kaari mwa Kristu. Nyuwo mwaari mwa Kristu ohinatthi opattuxiwa olumwenku. Owo aarwenle owoopola Ale Awawe, Awawe yaari mwa Yoowo. Aleluya! An’awe yaari mwa Yoowo!

138 Owo khonatoko orweela o—owoopola aana a xetwani. Awo khankhalakhala asuwelaka Eyo. Ni awo t’oncenceraxa mwa inamuna so wiixutta waya w’akhili, mpakha muhikhanle anyu wiilikanyihaka ni yaawo nnakhala. Nyuwo khimukhanle olavulaka vooweryaxa waavikana awo. Masi, mwaha wo waamini nyuwo munnoona Eyo.

139 Vano, siyensiya khamphavela hata waamini. Siyensiya onooniherya etthu awo anlavulaaya. Khonthhune ya hata waamini.

140 Namukuttho muKatolika animooleelani, “Nkawehani okathi xeeni ekereja Katolika evulunwe aya. Nkawehani okathi xeeni eyo yeemenlyaya vathi va olupatthiwa w’epakawu.”

Ekereja Metotista eniira, “Nkawehani va okathi xeeni. . .”

141 Kihona ekereja. . . olavulaka mwaha wa nipawe ya enamirima miili; kirwaaka mphironi nsana, kaahona. Naahimya wira, “Ekereja ya Kristu, epacerihiwe 33 D.C.” Eyo nlelo kherina miyaakha emiya, moone, muromolelo. Oh, wulu! “Mwiixuttiho w’arummwa”? Voorika okhalana etthu. Awo aSatukhi a nihiku; khekhanle Erooho, nnakhala. . . Ni khimukhanle waaleelaka; khimukhanle olavulaka ni yaawo; khimukhanle otthokelelaka ni yaawo.

142 Okhala wira, hiyo ninrowa ovikana otthokelela. “Muhilipaneke osuwela wanyu.” Waamini khonthhokelela nnakhala. Waamini onimwaamini.

143 Awo aniira, “Vano, nkawehani va, nyuwo munnaamini wira nihaana wira itthu iya sa ottuli wu? Ethiru! Eyo. . .”

144 Masi Bibilia ohimmye siiso. Nkinwerya otaphulela moota enireyaaya, masi enniireya. Muluku ohimmye siiso. Tivo nyuwo khamurina. . . Nkinwerya wooleelani hat’etthu ya yeeyo. Waamini khontaphulela Eyo. Mwaahisuwela yeeyo? Waamini onimwaamini paahi.

145 Yesu aahimuhimeerya Nikotemo, a oSin-. . . mwaataano wa elapo yothene wa nihiku Nawe; aahimurweela Owo ohiyu, khwira, “Mwiixuttihi, hiyo noosuwela wira Nyuwo mwa Mwiixuttihi onikhuma wa Muluku, okhala wira khaavo aarowa owerya wira itthu Nyuwo siniiranyu, ehikhanle wira Muluku ori ni yoowo.”

146 Owo khwira, “Vekeekhayi, kinooleelani wira, ‘Mutthu aahiyariwe-ru vasya, khonwerya wona Omwene wa Muluku.’”

147 Khwira, “Miyo, mutthu owuuluwala, okela mmirimani mw’ame aka, wira kiyariwe?”

148 Owo khwira, “Vano kinrowa wooleelani sayi itthu sa Wirimu, muhaamini hata itthu sa vathi?” Munnona?

149 Vano Owo aahihimya, nihiku nimoso, “Mwaahikhuure-ru erutthu ya Mwaana a Mutthu, mwaahiwurye-ru Ephome Awe, khamurina Ekumi mwa nyuwo.” Owo khaaleelihenrye.

150 Arummwa ale n’akina a nihiku nle, yaatthokiheriwe Ekumi; Owo aahisuwela. Khwira, “Othene ole Atithi akivahalyaya onimoorwa. Etthu emosa entthuneya nyuwo wira osuweliha Nsu Naka paahi; awo annisuwela, maana ipwittipwitthi Saka sinnisuwela Nsu Naka.” Ni nsu ti nuulumo noolavuliwa. [Nipuro vahiiitthu mufiitani—Mol.] “Awo annaamini Nenlo, khula enamuna. Awo kharina yo wooniherya hat’etthu ni siyensiya, wala waakoha aSatukhi wala aFarisi, wala etthu p’itthu ekina, ya yeeyo. Miyo kihimmye, awo annaamini, okhala wira ipwittipwitthi Saka sinniwa Nsu Naka.”

151 Nto *Nla* ti Nsu na Muluku mwa mukhalelo wa soolempwa, okhala wira *Ola* wiisuupulula woomalela wa Yesu Kristu, Waataana Wa Khalayi ni wa Naanaano vamosa. Amen. Eyo vo.

152 Mwaha wa xeeni? Nyuwo muniira, “Ala atthu ooreera murima. Exeeni enaakhaliha. . .” Okhala wira, etthu emosa, nipotto naya no wiiitthuka-vo nri mukereja. Nto muhina mu. . . Munnuupuwela Ettiminku evinre, esumana emosa evinre; akavi yaari vaava ni yiwale mutthaka mwaha wa *Ooreerihwa A Okathi Wa Woomalelani?* Miyo kinoona wira nyuwo othene. Moone, awo t’oreerihwa. Irooho saya ti sooreerihwa, nipuro *nla* naneili.

153 Vano, muthiyan’ole oopacerya onihimya wira. . . Nnari, owo khemmucala etthu ekereja onihimyaya, etthu mutthu mukina ohimmye awe. Owo t’osuwelaxa. Owo ookhalana

osoma wa universitaate. Owo aamuwerya waawoka aiy'awe, ni onuupuwela wira t'osuwela mwaha wo wira yeeyo.

154 Muthiyan'ola mukina "t'ohiwar'etthu, oohoona, nave khonsuwela." Oh, ti yooooniha othunku, masi eyo elatarato Bibilia onnipintarelawe. Vano, owo onnirowa okereja. Muthiyan'owo, alakela aamukhala ooloka, muthiyan'owo aamukhala...Owo onkhala makhalelo ooreera, ni ooloka; khiyaavo etthu ya nthowa ni yeeyo. Muluku t'onrowa okhala Mphuki a yeeyo. Miyo nkisuwenle; Miyo nkihiyo Mphuki.

155 Miyo paahi ka...kinthokorerya etthu Owo onikoonihawe. Ti yeeyo arummwa yaahimye aya. "Hiyo ninlavula ele ensuwelaahu, ele niwalyahu, ele noonalyahu." Eyo ti yothene miyo enthokoreryaaka. Eyo ti yothene nyuwo munthokoreryanyu.

156 Masi vano, moone, mwamukunxe-ru muthiyana yoowo... Owo omalenle vayi? Munnona? Owo eettasa iwo. Owo ohiwa, vekeekhai; oomutthukula raatiyu, imaara sinci-ene. Nsu na Muluku ninnikhalaka nilavulaka, imaara sinci-ene. Ahe, vano, moone, owo onrwa mwa ettharelo etiini ela va, nloko. Ikereja sothene malokoo. Itthu sothene, eyo ekeekhaii voolikana, iyo ipa sa oxirikha paahi weiwo atthu anthukumanaya ntoko mamempuru. Nto owo onoorwa va; ahe, eyo ennlikanela oratteene. Vano nyuwo mwarowa vale omuleela etthu owo orinaawe wira, owo khonrowa owiiwani. Munoomooniha mBibiliani; owo khonrowa owiriyana Eyo.

157 Vano, munn'aka oophentiwa mulopwana, muthiyana, yoohimya emosa wala piili paahi nihinatthi omaliha. Sinihala minuutu muloko ni mithanu wira, koohiyeni okhuma; minuutu muloko ni mithanu.

158 Vano nkawehani, kinthuna kookoheni etthu. Xeeni muthiyan'owo ohiweryaka wona? Ohinweryela-ni? Vanaasiwa waararuwela aiy'awe, mw'erutthuni, owo kahiyo oottheka; owo khorina hat'etthu yo olapa. Owo t'oloka ntoko saaryawe nihiku niyariwawe; khaavo hata mulopwana omukwannyale.

159 Miyo kinlavula voolikanyiha nto, ni muthiyana, ni ekereja. Owo t'oloka saana ntoko siyariwawe. Vano, eyo vekeekhai t'ile ekhanle ekereja, ntoko siyariwaya, masi eyo "eyariwe mutampini, epakiwe mwa sootakhala, erwiiye..." Munnoona entthunaaka ohimya?

160 Vano nyuwo mmuleele wira ti yoonanara owo omettha maihi awe; Bibilia ohimye siiso. Ti yoonanara owo waawara akaputtula awo; Bibilia ohimye siiso. Owo aamwiira, "Ethiru." Mwaha wa xeeni? Nuulumo nawe nookiserya khanikhanle vathi va, mwa mutthu aneeraru owo, munepa otthommwe ni oveleelihiwe ni Muluku. Masi nuulumo nawe nookiserya nri mmutthenkesoni ota nno, mutthu mmosa otthokinhe awe ota wa Yeela. Munnona?

<sup>161</sup> Masi Masu a Muluku yakhala-ru vathi mmunepani mmo, awo aniira, “Amen! Kinnoona.” Eyo ennilikana ni Yeeyo. Vano nkawehani va. Tivo, mutthu oniyariwa ni Erooho ya Muluku. . .

<sup>162</sup> Moone, *va* eri erutthu y’ota. Ni kinlavula vamuthukumanoni wootakanxeya, kinrowa olavula ntoko awinyu—ntoko pastore anyu, ntoko munn’inyu. *Va* eri erutthu ti yootteetheya, ti yoowuuramela o. . . Mwaamuthiyana mmosa oneetta mphironi; mmiravo mmosa paahi mwa munnuwelo awe w’emiravo, owo orina-ene miyaakha muloko ni mithanu na miili, muloko ni mithanu na miraru, miloko miili, miloko miili ni mithanu, miloko miraru, oneetta vale. . . Nto mwamuthiyana ola onimoorwa, aittikinyaka khula enamuna, erutthu awe, eettaka ni ixapattho sa maxittha oorakama; yoowo ene othene oowiisoniherya ohoolo ni ottuli; ni evestiitu eri *sa* vasulu va makutha, wala onwanre kaputtula. Moosuwela wira Bibilia ohimnye wira owo aarowa wira siiso? Nyuwo moosuwela, Bibilia ohimnye wira eyo t’inamuna aarowawe wira, moota aarowawe okhala oohureya.

<sup>163</sup> Nyuwo moosoma ela va, *Reader’s Digest* ya mweeri yoola, wira, “Alopwana n’athiyana a nihiku nla, axiruusi, a miyaakha miloko miili wala miloko miili ni mithanu, aahiya woona mweeri,” wira anvira moorukunuwani wa ekumi mmunnuwelonni wa eriyari, voolikana ni siyensiya, eriyari ya miloko miili ni miloko miili ni mithanu. Saakhalaka voophiyaka miloko miraru wala miloko miraru ni mithanu, mwa okathi aka. Okathi w’ame aka, muthiyana khaahiya woona mweeri mpakha waakhalanawe miyaakha miloko mixexe wala miloko mixexe ni mithanu.

<sup>164</sup> Exeeni iyo? Ti mwaha wa siyensiya, ni soolya, sootakanxiwa mixovo, seiyo sisononne erutthu yothene ya mutthu mpakha vaphiyenryahu okhala nikhuru na—na—na ethukumanyelo yowuntta. Ahe, vakhala wira ookhala eerutthu t’opahuwa, khekhanle siiso erukuruku y’ottooporo mwa ookhala yoowo eerutthu?

<sup>165</sup> Vano nwehe Erooho, ettharaka yeeyo. Onimoorwa okathi, mwa Nsina n’Apwiya, athu anrowaya okhala oovahuwa voomalela. Bibilia onihimya siiso. Awo anoorowa okhuwela ni onyakula; itthu soonanaraxa mmuupuwelonni mwaya mootthokelela. Araatiyu n’itthu, iprokrama sahu sa televisawu, sinnikumiherya yeeyo. Sinookhala itthu ntoko ineneele sivenyaka mulaponi, sinrowa okhala soorakama ntoko miri muloko ni mixexe; onookhala mwa—mwa—mwaapalame onrowa ovava elapo yothene, ni mapupha oorakama ikilomo thanu na mosa ni nuusu wala thanu na ttharu; ni athu anoorowa owoona, awo anookhuwela n’unyakula, ni wunlela omoreliwa ikharari. Masi sinrowa okhala Ihasara. Mulipelele kilaleye sa Ihasara iyo sitthukuwaka.

<sup>166</sup> Nkawehani etthu Moise iiralyawe vathi va mukhalelo

w'erutthu, kahi Erooho, okathi Owo iiralyawe, "Moise..." Muluku aamuleenle Moise, "Murowe iwe," wa profeta Awe, "mukuxe nikuphi nimosa na ntthupi, murihele osulu mwiire, 'SIISO ANIHIMYA T'APWIYA, ithothomwa sinoorwa mulaponi.'" Khisaakhanle ithothomwa. Naanaanoru, awo khupacerya woona etthu yiipurulaka vatakwarikhwani. Khuweha vale, yookhala etthu ekina. Nto nuuvira okathi vakhani, saari soowiixa vahaaweryaneyaya ovira eriyari aya.

<sup>167</sup> Saakhumme vayi? Muluku ti Mpattuxa. Owo onniwerya wira etthu Owo ontthunaawe. Owo ti mwaneene. Owo aamuwerya ompaka mwa—mwaapalame aarowa wookola—wookola mapupha awe epante emosa ya elapo mpakha ekina.

<sup>168</sup> Owo khwira, "Sirwe iphepele, sikhuneele elapo yothene." Khiyaakhanle hata ephepele mulaponi. Naanaanoru, ephepele yulupale khupacerya ovava. Yoopacerya, saahikhala thanu na tthaaru wala muloko, muloko ni piili. Naanaanoru, khivaaweryaneya ovira eriyari ya seiyo. Muluku, Mpattuxa, onnimaliherya Masu Awe.

<sup>169</sup> Nto owo khookola ekopo awe, mwa oorummwa ni Muluku, khwira, "Anaphulu awele akhuneele elapo." Nto anaphulu yaahirwa mpakha awo owuukela, makuttha, nto wunkha waari mapuro othene, khino imeeturu muloko ni piili wala muloko ni thanu vasulu, sa anaphulu. Yaari mwaarumari mwa—mwa Farawo. Yaari mu...yaahirukunxa mukhumi, ni yaanikhala anaphulu imiya thanu vathi va mukhumi, vathi v'olilili, muyolyani. Mapuro othene awo yaarowaaya, yaari anaphulu, anaphulu, anaphulu. Yaakhumme woowi? Muluku, Mpattuxa, ti mwaneene. Etthu Owo onihimyawewe, Owo onimwiira!

<sup>170</sup> Ni Owo ohimnye wira sinookhala itthu soowoopiha elapo ya vathi. "Isoope ni maihi ntoko athiyana," maihi oorakama, wira siwoopopiheke athiyana awo ammettha maihi aya. "Maino ntoko mwatto; mipwino omwiilani waya, ntoko anamareere; sinoowoopopiha alopwana." Mulipelele paahi mpakha niphierye otthukula Ihasara iyo ni Ikanyeryo, ni Itari iye Thanu na piili, nwehe etthu eniiraneya. Oh, munna, vanreerela mphiyee oGoxeni okhanle-ene okathi wo ophiya oGoxeni. Muhixikhe ela ya ota.

<sup>171</sup> Nwehe va. Va ori mwamuthiyana aittikinyaka mphironi; va ori mmiravo, maitho awe anoovara. Owo mempuru a ekereja. Owo muPentekosite. Owo onaakhale-ru exeeni. Masi naanaanoru, khanikhanle nipotto n'ovara vo. Owo onimwiira, "Sai." Owo orina maihi oonyokotowa, ni mmiravo ntoko oophwaneliwa, ooookowa makhata; khino aphavelaka okhala oratta-ene. Owo onoopacerya weetta arowaka wa yoowo, hata mulaleyi. Naanaanoru. . .

<sup>172</sup> Exeeni iyo? Ela ota *nno*, otthuna w'erutthu; nto erooho vathi *va*, nnya yoottikittheliwa, yiiraka, "Muhiire, muhiire."

Masi enrowa wira exeeni? Enoorukurerya, enimwiiwarelela vale, enoorowa. Naanaanoru, owo omphavela okumana ni yoowo. Owo t'ottheke mwaha w'oraruwa, hata omukwannyaka wala nnari.

<sup>173</sup> Masi, mwaana ooloka, ooyariwa vasya a Muluku! Amen! Khamunwerya wira mmansinyu. Ti voohiweryaneya mara mu—mulopwana a ephome yooxeerya weetta ohoolo wa muthiyana siiso, ehikhumelenle etthu. Masi yakhala-ru Etthu muhina; Etthu ile yaamukhaani yooyariwa vasya *va!*

<sup>174</sup> Hata wira mutthu orootoko okhuwela, olavula ilavulelo, ootupha, ohiina, sothene sikina, oottikittheliwa ni Erooho; oopaka ithoonyeryo sothene ni mitikiniho Muluku ohimmy'awe mmo, ni Erooho Awe! Yesu ohimmye wira, "Anci-ene animoorwa wa Miyo nihiku nle, yiire, 'Pwiya, miyo nkilaleenrye mwa Nsina Nanyu? Nkiwoomonle axetwani mwa Nsina Nanyu? Nki. . ." Owo iirale, "Mukhume wa Miyo, nyuwo muniira sootakhala." Yootakhala exeenii? Etthu munsuwelaanyu wira, nave khamuniira. "Mukhume wa Miyo, nyuwo muniira sootakhala; Miyo nkinatoko hata woosuwelani."

<sup>175</sup> Masi vathi muhina mwa mulopwan'owo, nipotto nlo no wiitthuka nakhala-ru mmo, Epyo ele ya Muluku etthommwe ohinatthi opattuxiwa olumwenku; Nkincala exeeni enkhumelela, eyo enoonvarelela. Eri vo wira ekhale.

<sup>176</sup> Mwaha wa yeeyo muthiyan'ole onrowawe waawara akaputtula ale. Owo onihimmwa okhala namuttompe, siiso ntoko muthiyana oniira. Munnona? Owo khonsuwela wira erooho eyo. . . Owo onsuwela sayi? Oohivaanyiheya awe.

<sup>177</sup> Exeeni oohivaanyiheya? Ti nuulumo nookiserya. Nuulumo nookiserya ti amen. Eyo ti emalelo ya onyakulihana wothene, nuulumo nanyu nookiserya.

<sup>178</sup> Ni vakhala wira ekerej'anyu, ekereja ya Pentekosite, enooleelani wira, "Maihi oorakama ni itthu onamathipelela paahi. Nyuwo murina epenewu yoowuurela, ottuli wa muru anyu," ni siiso, muthinto owo wa itthu, mutthu owo oovariwa xetwani.

<sup>179</sup> Okhala wira, Masu a Muluku ahimmye wira, "Ti yoowuuliha muru muthiyana omettha maihi awe. Owo khontittimiha muru awe." Owo aahaattittimiheke aiy'awe, ni aiy'awe Ekerejaa, ni Ekereja ti Kristu, owo namuttompe natiini oohittittimiheya; oohiwar'etthu ni khonsuwela. Oohiwar'etthu! Bibilia khonihimya, "Ekhuneelo ya muthiyana maihi awe"? Owo khovahiwe maihi wira ekhale ekhuneelo?

<sup>180</sup> Nihiku nlo, Opwaro wo Olamuliwa wu! Kinniphavelaka oyeeherya Murette muhina, ni ovarelela ni mata'aka, nto nyuwo munoosenya muhokoloxeryaka ota eriyari ya ikatha sanyu. Muluku onoorowa waalamula nihiku nlo. Eyo ti SIISO ANIHIMYA T'APWIYA. Khonkhalaka nikuttha na onanvahuwa,

wala mutokweene khata othene oowuukhuleya. Kehiyo. Okhala wira, awo Masu a Apwiya.

<sup>181</sup> Ni muKristu eekeekhai, ooloka onoolikanela ni mulopwan'owo muhina, Erooho eyo yaari ottuli wu wopaceryani, yeeyo ekhanle Masu.

<sup>182</sup> Okhala wira Owo aari omalela wa nyuwo othene, nyuwo mwaari mwa Yoowo ottuli wu oKalvario. Owo aahisuwela khalayi-ene wira mwaamukhala va. Owo aalaleenrye paahi etthu yaarowa wiiraneya. Ni nyuwo mwaari mwa Yoowo; mwaakhwiye ni Yoowo. Nyuwo muhookhwa wa wiisoono wanyu, muhookhwa wa mihapo sanyu, muhookhwa wa olumwenku. Okathi Owo. . . Nyuwo mwaahikhwa ni Yoowo oKalvario, vano nyuwo khuhihimuwa ni Yoowo okathi Owo ohihimunwaawetho mmurotoni mwaya. Ni okhala wira nyuwo mookupali, vano nyuwo mukilaanthe mapuro a Wirimu mwa Kristu Yesu. Aleluya!

<sup>183</sup> Eyo eri vo. Owo ti mutthu yoowo muhina. Muhina mmo onrowa omaliherya Masu, okhala ni Masu, enakhale-ru exeeni. Khimukhanle osyakaka. Miyo kixuntte eyo, iyaakha sinci-ene khalayi.

<sup>184</sup> Ttutthu aka mukhaani aathaleleiyee nno, akhwaaka. Amwaar'aka yaataleleiyee nno mu. . . mu—mpa mwa anankhwa, oomariwa murette ni oowaataleliwa. Kaahiitthaniwa iwe, nto Sharon aamookhwa. Iwo ti weereriwa wootepaxa kitonko aka okhalana kookhalaru. Kaarina miyaakha soophiyaka miloko miili ni mithanu. Miyo khurowa iwe, ni Billy Paul ahalelaka okhwa.

<sup>185</sup> Totori Sam khurwa, khwira, “Bill, nkikupanli wira ninorowa omoopola Billy. Nto miyo. . .” Owo khwira, “Owo khoreere otepa.” Khwira, “Bill, kinniwoonelani othunku saana.” Owo khukipatikha.

Miyo khwira, “Doc, nkirina-tho ikuru.”

<sup>186</sup> Iwoora piili, miyo khumwiitthana, mwan'aka, Sharon, miyo khumuroiha iwe, owo. . . wira amoone athukumelaka; khuwaamala. Awo khumuhela sikano vamuthanani; khuttemula, khukumihia eneneeryo, menixiite a ekohowa. Ti yeeyo tu.

<sup>187</sup> Khutthara ephiro aka orowa oxipiritaali; khweemexa ekamiyawu aka ya khalayi vate vale, nto kikhuma kipacerya weetta kirowaka musaala. Va aarwa Sam munvireloni, ni exapheyo awe mmatatani, anlaka, khukipweherya moonoo awe, khwira, “Murwe wiithela nno, Bill.”

Miyo khwira, “Exeeni yiiraneiyee?”

Khwira, “Khimukhanle omoonaka.” Khwira, “Owo onookhwa, Bill.”

Nto miyo khwira, “Nnari, Sam, kahi mwan'aka.”

188 Khwira, “Ayo.” Khwira, “Hata muhimukohereye, Bill. Owo akhalakhala-ru akhalaka mukumi,” khwira, “owo aamuhaawa.” Khwira, “Aamukhala oorakala, ni aamuhaaxeya ekumi awe yothene.” Khwira, “Owo orina menixiiti.” Khwira, “Muhimwaattamele; nyuwo—nyuwo paahi munoomwiiva Billy mwaha wo wira siiso.”

Miyo khwira, “Sam, kihaana omoona.”

189 Khwira, “Muhiire, Bill. Miyo—miyo kinnookhoottihani. Vano, nyuwo moosuwela moota onsiveliwaaka ni nyuwo, ni nyuwo mwa mpatthani aka ni sothene,” khwira, “moota onsiveliwaaka ni nyuwo,” khwira, “ni moota kiniwaamini-akani, Bill,” owo khwira, “masi muhi—muhirowe wa mwaan’owo.” Khwira, “Mwaira yeeyo...Menixiite ori mwa yoowo.” Munnona? Khwira, “Owo onoorowa muhina mwa minuutu vakhani, ni,” khwira, “nyuwo pooti...hiyo nnoomuvitha.” Khwira, “Bill, kinniwoonelani othunku saana.”

190 Vano owo khwiitthana, khuhimya, khumwiitthana nfurumeera, wira akilepele muthinto mmosa wa murette. Khwira, “Nkisuwenle moota mulopwan’ole oryawe ooweemela.”

191 Miyo khweemela vaavale okathi vakhani. Owo khuruuha murette. Miyo khukilaathi, musaala. Owo khwira, “Mukilaathi.” Nto nfurumeera khuruuha, khwira, “Nwurye ola, Munna Branham.”

192 Miyo khwira, “Kooxukhuru. Mpwehe vo minuutu mmosa.” Owo vakhumale awe siisaale, miyo khuyeeherya munisenyeliwamo; kipweha muhasa owo vathi.

193 Kikilaathi vaavale. Miyo kuupuwela, “O Muluku, kiirale-ni? Nyuwo mwa Muluku ooreera murima. Nyuwo mmuhiyenle-ni owo okhwa, nihiku nlo, kivarenle-ene miyoono sawe miili sikhaani siiso?” Kinvekela Owo mwaha wa yoowo. “Mmuhiyenle-ni orowa? Vale ori Billy ommaathale vale, akhwaaka; nto ola ori va, akhwaaka. Kiirale-ni? Mukileele! Ahe, vanreerela miyo kirowe ni yaawo.”

194 Miyo kihula mukhora, khaakhanle hata nfurumeera vale. Miyo kikhuruwela vathi. Eyo yaari exipiritaali ehinatthi oreerihwa. Iteela, khisaakhanle iteela sa yuuma mmacanelani, voorika, ni iphepele mmaithoni mwawe makhaani. Yaahikhalana nipattuuxa na eteela ya ipwilimwithi, niniitthana, ntthaavi naaheliwe wiitho wawe. Miyo koomola iphepele; aatataleliwe vale. Maitho awe makhaani, owo aahihaawa vanci-ene mpakha awo yaavirikanaaya.

195 Nto Satana khwaattamela epantte aka vale, khwira, “Nyuwo muhimmye wira Owo aari Muluku ooreera murima?”

Miyo khwira, “Ayo, miyo koohimya eyo.”

196 “Nyuwo muhimmye wira Owo aari Mpenuxa? Ahe, xeeni atithi anyu akelaka okhwa mmoononi mwanyu iwe, ni nyuwo

nvekelaka, awo aryeene natampi, nvekelaka mwaha w'ekumi aya? Xeeni muhima anyu akelaka okhwa mmoononi mwa muhima anyu mukina, iwe, ni nyuwo mweemenle vapulpitu mulaleyaka, isumana vakhani sivinre?" Khwira, "Vano Owo ohiwaakhulelenle-ni? Nyuwo muhimmye wira Owo onnoophentani ni oowoopolani."

<sup>197</sup> Owo khaakhanle okileelaka wira khaakhanle Muluku, okhala wira miyo kaahimooni Owo. Masi owo aakileela wira Owo khacaliwa ni miyo.

<sup>198</sup> Khwira, "Vale amphanyaneya amwaar'inyu. An'inyu anookhala vaavale naanaanoxa. Atithi anyu aavithiwa. Muhima anyu oovithiwa. Ni amwaar'inyu anrowa ovithiwa naanaano, meelo. Ni va ori ttuutthu anyu mukina, onookhwa. Owo Muluku ooreera murima? Huh? Owo Mpenuxa?" Khwira, "Nyuwo mwiiipanke mulolo!"

<sup>199</sup> Yiirale exeeni? Okhuma . . . yaavara muteko okhuma vate, vano, wa mutthu ola oopacerya.

<sup>200</sup> Khwira, "Vano nkawehani. Moosuwela, okathi waaryanyu iyaakha vakhani sivinre, iyaakha soophiyaka piili wala tthaaru sivinre, muhinatthi okupali Yeela, nyuwo mwaanilemelihiwa saana eriyari y'atthu. Nyuwo mwaakhala makhalelo, ooreera ni ooloka. Khula mwali mpooma, aatthuna okhuma, aanikhuma ni nyuwo, okhala wira awo yaaniisoona oreerela ni oophwaneliwa." Miyo kaamuwerya weemela ohoolo wa khula mmosa a yaawo. Nkinatoko omuruwana hata mmosa, nkinatoko ohimya ethhu. Owo hata iira voosuwela, kaanimurowana owaani. "Ni nyuwo mwaanitthuniwa eriyari y'atthu. Masi nyuwo mwa xeeni vano? Namathipelela a etiini."

<sup>201</sup> "Ti yeeyo. Miyo kaari yoowo." Munnoona itthu iya opacerya weetta vamosa? Ota, otthokelelaka muroohoni, weettihaka itthu iya vamosa. "Ti yeeyo, Satana."

"Ni muhimmye wira Owo aari Mpenuxa?"

"Ayo. Hum. Ayo."

<sup>202</sup> "Ni nyuwo nvekelaka ni munlaka, nto atthu yooleelakani wira khayaari siiso, wira nyuwo muri othene ota wa eliinya. Ekerej'anyu yoowoomolani, mwaha wa Yeela. Ekerej'anyu Patista iwe, owoomonleni vamukhora, mwaha wa niwoko nenla nimosaru."

"Ayo."

<sup>203</sup> "Atithi anyu aavithiwa. Muhima anyu oovithiwa. Amwaar'inyu ari vale, wira yavithiwe. Va ori ttuutthu anyu, minuutu soophiyaka muloko ni mithanu vano owo onrowa wira okhwiye-ene. Ni Owo Mpenuxaa? Erutthu anyu yeenyu ni ephome; Nuulumo nimosa na Yoowo naamoopola ekumi ya mwaana. 'Owo Mpenuxaa,' nyuwo moohimya. Atthu yaahiphavela wooleelani. Mulaleyi aahooleelani wira

khimwaareere otikinihiwa; wira mwaari othene oovahuwa; wira mwaahikhala namathipelela a etiini. Nto nyuwo muhimmye wira Owo aanoophentani. Owo aamuwerya woophentani?

<sup>204</sup> “Ni moota mwaaxonttenle anyu mwaha wa atithi anyu! Moota, ohiyu ni ohiyu, mwaatthukanyu, ni okathi nyuwo... othana, waarinaanyu ovekelaka, wira nwele nipotto, wira nvare muteko. Nto okathi Owo aahiyale awe okhwa mmoononi mwanyu, aryeene natampi.

<sup>205</sup> “Moota amwaar’inyu, yaaryaya muthiyana ooreera murima, ni moota mwaamphentakaanyu!” Maama awe Billy; anci-ene a nyuwo munnimuupuwela Hope. “Mwali xeeni ooreera murima owo aaryawe! Moota mwaaryanyu ootteeliwa murima, etthoko anyu yaamukhaani iwe; ni ikaruma sa mpaani sa ntoko itoolare thanu na piili wala thanu na ttharu, ikaruma sa mpaani nyuwo mwaarinaanyu, masi nnakhala vo nyuwo mwaanimphenta; ni nyuwo...ni mwaaniphentanasa mmosa ni mukhwawe. Ni nyuwo mwaanirowa ni waavekelela akina; ni, wuukhuwa wa muupuwelo, awo yaanivenya n’urowa ni wira yaahikhala saana. Masi vano amwaar’inyu yeenyu; nto ale ari vale, ookhwa, nihiku naneili vano, yaataleliwe empa ya alipa a miteko s’ovitha iwe, Scott ni Combs. Owo Mpenuxa? Ha?

<sup>206</sup> “Ni mwammiravo anyu onihalela okhwa, Billy Paul, a miyeeri muloko ni mithanu na miraru. Ni mwan’inyu mwaamuthiyana, miyeeri mithanu na miraru, aataleliwe va, onookhwa, ni menixiiti. Ni nyuwo munoomalaru ovekelaka; nto Muluku omoroxenle ekurtiina vathi, khwira, ‘Omaale!’ Khoniiwa, khonrowa owiiwani, hata vakhani! Owo oorukunuwenleni ettuli Awe. Owo Muluku ooreera murima? Huh? Owo onnoophentani? Ni khula mwali mwaakhumanakanyu, khula mmiravo otonko anyu opatthana, axipatthani anyu a vatthirima, ahoohiyani ntoko natiini oothipelela.”

<sup>207</sup> Sothene owo aakileelawe saari ekeekhai. Sothene aahimyawe, yaamorela muliinyani, moone, *va*. Miyo kaahalela olikana nto wira kiire, “Weeso miyo, eyo yakhala ti enamuna Owo orinaawe wira, weeso nkinrowa omurumeela Yoowo.”

<sup>208</sup> Kihimyaka yeeyo paahi, yaahikhala Etthu emosa yaakhumme nipuro nikina, muhina saana. Yiirale, “Nyuwo mw’ani, opacerya wene? Apwiya ti yaakivanhe, vano Apwiya t’akunxe.” Moone, owo ti mutthu ole a muhina, khonthhokelela hata vakhani.

<sup>209</sup> Miyo kiweha-tho, nto kuupuwela, “Kiphin’ye sayi mulaponi? Miyo kikhumme nikhuru n’anamuhapaliwa. Kiphin’ye sayi va? T’ani okivanhe ekumi? T’ani okivanhe muthiyana ole? T’ani okivanhe mwaan’ole? Amwaar’aka akhumme vayi? Ekumi aka ekhumme vayi?” Miyo khwira, “Hata wira Owo onookiiva, miyo nlelo kinnoomuroromela.”

Miyo khwira, “Khumani va, Satana!”

<sup>210</sup> Kimpweherya ntata mwaana. Miyo khwira, “Sharon, oophentiwa, kinoowaatalelani mmoononi mw’ame anyu minuutu vakhani, Malaikha a Muluku jaarwaaka wookuxani, masi nihiku nimoso apaapa anoowoonani-tho. nkisuwenle moota enrowaaya okhala, oophentiwa. Nkinwerya woolelani moota xeeni; Owo aakireryaka ettuli Awe, hata khoniwiiwani.”

<sup>211</sup> Owo ohaahiya amwaar’aka okhwa, miyo kaavarenle-ene matata, kiwunlelaka. Ni atithi aka, mmoononi mwaya, akhwiye moono ola *va*; ekiwehaka miyo, ephavelaka omumula. Ni kaahivekela voolipaxa ntoko saaweryaka. Kaarowa owerya sayi waaweha-tho atthu, wira kilaleye ovoniha wa Muluku? Kaarowa owerya sayi olaleya wira Owo aari Muluku ooreera murima, nave waahiya atithi aka okhwa, aryeene natampi? Kaarowa owerya sayi olaleya yeeyo? Nkisuwenle moota xeeni, masi koosuwela wira Owo ookhalana exariya.

<sup>212</sup> Masu a Muluku khankhalakhala evonyaka. Awo anooxintta, hata wira exeeni iyo. Vano kaanisuwela wira yaahikhala Etthu muhina mwa soothokelela sothene, Etthu emosa muhina mwa wuukhuwa wothene, itthu sothene sikina siiso. Aahikhala Mutthu mmosa muhina aakhanle oolipa ewoora eyo. Khiyaavo etthu ekina yaakhanle oweryaka wira; khula otthokelela, sothene saaniweryanya wooniheriwa, sothene saamuwerya wooniherya wira Awo yaari oovonyeya, ni wira miyo kaahivonya. Masi Masu a Muluku, yaatthomeliwe ohinatthi opattuxiwa olumwenku, yaahikhala oolipa muhina.

<sup>213</sup> Kaahoona Etthekeu yaamukhaani orwa mpaani. Erooho awe khurowa okumana ni Muluku.

<sup>214</sup> Munna mulopwana, muthiyana, mukihiye kooleleni, Eyo t’itthu emosa paahi. Muheererye otthokelela. Muheererye okhalana maihi oorakama okhala wira kihimye siiso. Muheererye wira itthu iya, mwaha paahi wo wira, mw’erutthuni mwanyu. Muheererye wira, wira ntoko mulikanele paahi. Masi mulipelele paahi ohoolo w’Apwiya, mpakha Etthu emosa muhina!

<sup>215</sup> Anci-ene a nyuwo munuupuwela wira, okhala wira mookhalana maihi oorakama, enihimya wira munoorowa Wirimu. Eyo khenihimya yeeyo. Anci-ene aya anuupuwela wira, okhala wira nyuwo mwa muthiyana ooreera murima, oolakeya, munoorowa o...?..Khenihimya yeeyo. Anci-ene aya anuupuwela wira, mwaha wa ikereja saya, ni wira mpantta wa *ela*, ni makhuru *ala* maalupale, ni matotori aalupale a Divinidad. Eyo khenihimya yeeyo. Munnona?

<sup>216</sup> Anci-ene anuupuwela wira, okhala wira annilavula ilavulelo, aakhalana Erooho Yoowaarya. Eyo khenihimya yeeyo. Enamwi, Erooho Yoowaarya elavulaka ilavulelo. Masi mpakha, Erooho Yoowaarya eyo y’ekeekhai ni yooloka muhina

mmo yiiwananeke ni Masu! Erooho Yoowaarya eyo mwa nyuwo, enoolavulihani ilavulelo, yaweharu vale nave khuhinaiwanana ni Masu makina, vano eyo erooho yoovonyeya. Munnona?

<sup>217</sup> Ehaana okhuma muhina, akhanle Masu, okhuma wopaceryani. “Wopaceryani wa opattuxa wa Muluku,” okathi Muluku opacenryawe opattuxa, wooruhani nyuwo okhala, moone. Nyuwo mpacenrye ottuli wu ntoko epyo, ni khukelela ohoolo mpakha varyanyu vano. Vano, nto, nyuwo othene mwaari mwa Kristu. Vano nto okathi Kristu okhwiyawe, Owo okhwenle wira oovuluxeni nyuwo othene. Ni nyuwo mwa epantte ya Masu *ala*, ni enwerya sayi. . . Bibilia, othene Awo! “Nikano vasulu va nikano, yooruma vasulu va yooruma; va vakhani, vale vakhani.” “Nnakhala yoota wala til khonvonya.” Munwerya sayi nyuwo, muryeene epantte ya Masu awo, ohiiraana ni makina a Yaawo, wala khula epantte ya Yaawo?

<sup>218</sup> Muluku ooreeriheni. Koovira okathi vano. Nkilakenle wira yeela, woopisihani okathi munci-ene. Kinnoona othunku woopisihani; kahi othunku mwaha w’etthu kihimnye aka.

Hiyo niri woomalelani w’etthu, apatthani.

<sup>219</sup> Othene anyu va, wooka waka, mwa mamempuru paahi va a ekereja. Miyo nkineettakasaka nno, mwa okathi, wira kiwoone mamempuru akhanle. Kinuupuwela wira nyuwo othene munnirwaaka va voohihyererya. Mukihiye kooleleni etthu ekhumelenle. Munookhalana, kiireke, minuutu mithanu na mosa sikina? [Muthukumano oniira, “Amen.”—Mol.]

<sup>220</sup> Reverendu ori vaava Mwenye O. Walker a Oregon, aari vaava yeeyo—Ettiminku yeeyo kaaryaaka vaava? Ookhala onsuwela? Yaari etthu, yuulupale yootikiniha.

<sup>221</sup> Miyo kaarimoorwa va, yaahikhala atthu anci-ene mu, miyo—miyo kaarina. . . Miyo kaarina mivaanelo soowaatta, ni khula mmosa wa seiyo soophwanelela; mwan’aya, anamwane, ootheliwa, oohapalasiwa, ni—ni itthu soohiyana-hiyana, ni itthu saaphwanelela. Khula mmosa a awo aahaana wooniwa. Nkinwerya wira sothene iyo. Nto miyo kinoovahereryani wa Muluku, ni kinaapweherya matata aka, kivekelaka. Miyo kiirale, “O Muluku, miyo—miyo nkaarowa owerya wira. Mwaaphiyerye, Pwiya, mwiire. . . Nyuwo moosuwela moota wo wira. Miyo kininkelelela khula mmosa.”

<sup>222</sup> Billy khukiitthana. Nto miyo kaammalaru ovolowa ni Munna Banks. Owo khwira, “Paapa, nyuwo mwa. . .”

<sup>223</sup> Ni, nwehe, kinniwoona atthu yeettihaka iwe imaara sikina, mphironi, anniweha muhina. Nto miyo kinnaaweha vate, nto kinnavenxerya ntata *siiso*, ni awo—awo annihilalela orukunxa muru. Nkinthuna nyuwo wira yeeyo.

<sup>224</sup> Nihiku nikina okathi awo yaathumaya nipuro nle iwe oTucson wira kikhaleke-mo, Munna Tony aahikhalana nipuro

nimosa iwe owo aatthunawe okithumela, vaara vararu wala vaxexe ehisapo ya nipuro nla. Owo hata aatthuna ohela itoolare ikonto sene mwa yeeyo, mmansawe. Masi enamuna emosa paahi nyuwo munkelanyu mmwe, namukhora mmosa eemenle vate vale. Muulupale . . . Ahe, eyo ekawanyeyo iwe. Masi khula . . . Atthu ala ankhala weiwe, muhaana okhalana epaphelo y'otthuniheriwa elempwe, vano namukhora ola onoowiitthanani ni woona sintoko eri saana awo okela.

<sup>225</sup> Miyo khwira, “Mwaamuwerya otthokelela, miyo, axinn’aka alopwana n’athiyana anrweela okoona, antthuna okivaha ntata ni ovekela iparakha sa Muluku wa miyo, mwaamuwerya otthokelela miyo kiihelaka mwemmwe, Tony?”

Khwira, “Ahe, nyuwo muhaana . . .”

<sup>226</sup> Miyo khwira, “Tony, enamuna ekereja ni othene aya arinaaya wira atthu ahaattameke,” miyo khwira, “eyo ti y’atthu arina itthu sothene awo antthunaaya wira miyo kiire.”

<sup>227</sup> Awo, awo aniira, “Ahe, Apwiya arookileela. Aleluya! Kinrowa okhala vaava. Avuwihawe Muluku! Apwiya akileenle wira nyuwo muhaana okhalana muthukumano nno munikhuruni mwahu. Ayo, mulopwana, avuwihawe Muluku! Muluku ookileela yeeyo. Mwaahiire siiso, Munna Branham, vekeekhai mootthikela ottuli.” Miyo mmwe kiphavelaka osoma, moone. Ti yeeyo eniireya, moone. Nto atthu anci-ene ooreera murima anoohaleela, okela, mwaha wa yeeyo.

<sup>228</sup> Siiso ntoko mulopwana onrowa oxaya nno omatta. Mulimi mmosa oniira, “Nvoloweke. Pooti oxaya.” Nto nyuwo munarowa iwe ni woopela enyompe awe; namarokolo onatthyawela vathi va enyompe, vano khunamoopela namarokolo, khula enamuna. Munoowela mukuso, ohiya owela nipotto ni owela ntoko mutthu oolakeya saarowawe wira; owela mukuso ni opwanyula siiso. Munnona? Vano nto owo onimwiira, “Kinoohela-vo nipawe!” Miyo nki—miyo nkinimuhimyana mulattu hata vakhani, hata vakhani. Ahe, owo oniira exeeni? Owo onimukhottiha mulipa-ooxaya oophwanelela orwa. Kweekwe ti siiso. Ti yootakhala enkhottiherya yooreera okhalana icaleliwo. Kweekwe ti siiso.

<sup>229</sup> Vano, masi atthu awo, ikonto sene vekeekhai t’otthuna etthu ni atthu ooreera murima, atthu oophenteya, oosareya mahala a Muluku.

<sup>230</sup> Vano nookhalana ela, moota atthu ala anrwaaya siiso. Hiyo khani, hiyo khanintthuna eyo, nnari.

Masi mulopwana ola aarwiye . . .

<sup>231</sup> Billy khwira, “Murwe mutthimakaka naanaano, mwaakuvaka, paapa.” Khwira, “Muhano Waldrop ori vaava n’atthu amosa-amosa akhwaaka; muhaana owoona voohilekela.” Nto kivolowa kitthimakaka; khurwa va.

232 Nto kitthikaka, awo khwira, “Khaavo mutthu va woohikhala mulopwana mmosa epantte ni epantte, vate vale, vamusawuni khula nihiku, epantte ya empa.” Khwira, “Owo ontthuna wira munvekelele.”

Miyo khwira, “Vaareera.” Khwira, “Miyo kinoomuruuha mpa.” Miyo khuvolowa.

233 Aahikhala, kookupali, Cadillac aapwehiwe wiithela nno, wala muthinto mmosa wa ekaaro yuulupale. Kiphiya mukaaroni, yaari. . . Nto mulopwan’owo khwira, “Ehaali anyu.” Owo khaakisuwela.

234 Nto miyo khuvolowa. Nto Munna Waldrop muthiyana, owooniha othunku, khuvolowa. Moosuwela, owo aari. . .

235 Moosuwela mwaha awe, kahi siiso? Moone, owo aarina kankuru; khukhwa muliinyani mwa mavekelo, voophiyaka ewoora ntero kihinatthi omphiyerya. Meetiku awe khurwa, khooniha. . . Soovira iyaakha soophiyaka muloko ni thanu na tthaaru, kankuru mmurmani, moone, nto owo mukumii olelo. Ni onkhala wArkansas vano.

236 Ni owo aari oPhoenix, okathi yoowo. Nto owo khwira, “Munna Willie, yaanikinana orwa siisa, masi,” khwira, “Nkaarina hata nipuro n’okhala. Awo yaapanke. . . Awo yiirale wira pa- . . . muthiyan’ola onoorowa okhwa. Oh, Munna Willie!”

237 Khwira, “Kaatthuna kooruheleni yoovaha yaamukhaani mmatatani mwaka, Munna Willie,” khwira, “masi nkiwenrye wira. Masi koohela mulaathani exelatina ya amoora vakhani.”

238 Oh, okathi oronwaaka osulu iwe khoona ikooppho iye sikhaani sa xelatiina owo aahenle awe vale, miyo. . . yaakhala ntoko yooreerihiwaxa wa miyo olya. Munnona? Mwamuthiyan’owo mutokweene oophenteya, a miyaakha soophiyaka miloko mithanu na miili. Miyo khwira, “Munna Hattie. . .” Nka—nkaakhanle wiiraka nnari. Nnari. Yesu aahimoona naamukhweli ule ahelaka—mo isentavo tthaaru, ni Owo—Owo—Owo aahimuhya. Munnona? Nnari. Muluku onoomutthuvula mwaha wa yeeyo. Ayo.

239 Nto siiso Apwiya yaahinveniha muthiyan’owo, aahivoniha sothene owo aarinawe, aahimuupululela pastore awe etthu owo, owo, aarinawe mmuupuweloni mwawe, etthu aarinawe wira, etthu ekina. Nto, oh, othene aya yaakhumme, ekhuwelaka.

240 Nto Billy khuvolowa atthimakaka. Owo khwira, “Paapa, mulopwan’ole oorowa. Nkinwerya. . .”

Miyo khwira, “T’ani ole vate vale mukaaroni?”

241 “Oh,” owo khwira, “mmiravo mmosa orwiiye okhuma Oregon, ohimnye wira ookhalana muthinto mmosa wa yooloha. Nto miyo khimuleela, ‘Miyo nkaarowa woovahani nrromelo woowootha. Aakhala imiya tthaaru va, anlipelela naanaano va.’” Ni khwira, “Vano miyo khimuleela, ‘Mulepe paahi yooloha

ene.' Khwira, 'Kihaana nikuttha na seiyo va, ekulu so, khula enamuna, nto miyo kimwaacererya paahi.'

Miyo khwira, "Mmuruuhe. Munvahe minuutu mithanu."

<sup>242</sup> Ahe, mulopwana amalaka-ru ovolowa, minuutu mithanu? Owo khwira, "Miyo ka Reverendu Walker," kinoona wira naari nsina nawe, "a Oregon." Kinoona wira owo t'a muromolelo mukina, nkisuwenle, Prespiteriyano, Prespiteriyano etthu emosa.

<sup>243</sup> Owo khwira, "Koosuwenleni mwa miyaakha soophiyaka miloko miili sivinre. Kaahirwa mpakha oGrants Pass weiwo nyuwo. . ." Kahi Grants Pass, masi kinooliyala nsina na nipuro nene. "Iwe," khwira, "elapo yothene, myaha suulupale vapapheloni va ihapari khula voosiisu." Khwira, "Atthu othene yaahisuwela eyo." Khwira, "Hata nkaawenrye ophiya empa mu waaryanyu-wo, masi kaahiwoonani nwelaka. Nto nihiku nimosa, mphironi, miyo kaahaattama," khwira, "axilopwana axexe wala athanu vakhiviru ni nyuwo, nto kivahana ntata ni nyuwo. Nto nyuwo. . . Miyo khooleelani wira miyo kaari Munna Walker, ni mukileela nyuwo mwaari pani." Khwira, "Hiyo naahilavula moolumo kamosa-kamosa, vano nto axilopwana araru wala axexe aalupale yaari ni nyuwo khookelelihani ohoolo." Owo khwira, "Miyo nkaari namuulumela anyu, ni nkiraana ni nyuwo." Owo khwira, "Miyo nkaasuwela saana tu."

<sup>244</sup> Owo khwira, "Miyo kirowa siiso mwa miyaakha vakhani, nto nuuvira okathi vakhani," khwira, "Miyo. . . mulopwana mmosa khukileela wira kirwe kiwe ifiita kamosa-kamosa, miyaakha soophiyaka miraru sivinre." Ni khwira, "Mulopwan'owo khurumiha ifiita. Nto, vairalyaawe siiso," owo khwira, "kimwiiwa owo alavulaka." Nto khwira, "Mulopwan'ola aamini wira nyuwo mwaari pro—profeta. Miyo khwira, miyo khimuleela mulopwan'owo, 'Nkisuwenle itthu iyo; pooti okhala, mpakha vansuwelaaka.'"

<sup>245</sup> Siiso, khwira, "Vano mulopwana mukina khuthaamela opooma wahu, aahikhalana muthukumano, nto miyo kimusuwela. Nto owo khwira, 'Miyo ka profeta a Muluku a nihiku nla.'"

<sup>246</sup> Owo khwira, "Akavi a nyuwo aximiravo muri iwo, khula enamuna?" Khwira, 'Miyo—miyo—miyo kiiiwa wira mulopwana mmosa va oniiwa ifiita, iirale, "William Branham, epannte onikhuma nsuwa wu, aari profeta a nihiku," ni itthu siiso.'"

<sup>247</sup> Owo khwira, "Mulopwan'ola. . ." Miyo nkinrowa oromola nsina nawe, okhala wira kheniiweya oratteene, va, moone. "Nto owo khwira, 'Miyo kinnimusuwela William Branham,' khwira, 'masi othene t'owootha mwa Mwixuttiho awe.' Khwira, 'Owo kahiyo muPentekosite; owo khonaamini eyooniheryo yoopacerya.' Ni khwira, 'Etthu ekina, owo onihimya wira aakhala maprofeta aalupale ni akhaani. Khekhhanle etthu ene

eyo.' Khwira, 'Nyuwo mwa profetaa wala kahi mwa profeta, nto ti yeeyo tu.'"

248 Owo khwira, "'Ahe, mwenye, miyo ka . . . nkivaanyihanne ni nyuwo mwaha wa yeeyo. Miyo kihimye paahi wira kiroomwiiwa mulopwan'ola ohimya wira mulopwan'ola, William Branham . . . ni wira mulopwan'ola aahimya wira aari profeta.'" Khwira, "'Miyo kaamwiikoha paahi akavi yaari-wo.'"

249 "Owo khwira, 'Masi kintthuna wira musuwele ela. Miyo ka profeta a okathi yoola.'"

250 Owo khwira, "'Ahe, mwa yoowo?'" Khwira, "'Apwiya yooreeriheni ni akhale ni nyuwo.'"

251 Owo khukelela ohoolo, khonaxikheke-tho yeeyo. Ni khwira wira owo oroopacerya, eriyari y'axinna awe, ettharanelo ya mithukumano miraru wala mixexe. Vano owo khurowa okureyu, khwira, "Muhi—muhirukunxe ekureyu aka. Muhiye vaava mpakha vantthikaaka, mahiku oophiyaka maxexe wala mathanu ohoolo waya."

252 "Vaareera," awo khuhimya. Awo khuhela ettikitti vale, wira ehirukunxe.

Owo khurowa khumoona mwan'awe mwamuthiyana.

253 Vano mphironi owo—owo aaheemela vakereja. Ni khukhalana muthukumano w'ohiyu ule. Voosiisu aya, owo ohimye wira khwira oomuupuwela, "Orowa wona elista ya ikureyu sowaakheliwa." Nto vairalyawe, ewarakha emosa yaahithereneya okureyu khuphiya wa mwan'awe; mwan'awe khuveleliha weiwe, olistani wa ekureyu.

254 Nto owo khutaphula. Ni khuhimya wira aari mulopwana, Mwenye Hildebrandt, okhanle mpatthani aka, owo t'akhanle mulopwana aarumiha ifiita. Khuhimya wira Mwenye Hildebrandt aahikhalana nuulumo na Roy Borders (ni owo mmosa wa maatinistratore, moosuwela), wira kaarowa okhalana muthukumano wenna, opacerya mahiku yeettaka miloko miili ni mathanu na mararu mpakha nihiku noopacerya, wira atthike ni oone mmansawe.

255 Owo khwira, "Vano, nkawehani va, atthu ale aphavelaka okikelihha mw'ettuni siiso!" Munnona? Nto owo khuhela ewarakha mulaathani mwa ikokhola, khurowa, moone, siiso. Khurowa khukhalana muthukuman'ole ohiyu yoowo. Nto voosiisu aya . . .

256 Vano owo khupacerya ovarela vamurimani wawe, anlaka, okatthi wene weiwe.

257 Owo khwira, "Mwenye Branham, koosuwela wira kihaana okhala ohoolo wa Muluku." Owo khwira, "Nkisuwenle sintoko kaamurupa wala exeeni yiiraneiyee." Owo khwira, "Kirooloha. Kinrowa ohimya wira kaamurupa nto kiloha."

258 Khwira, “Miyo kuupuwela wira mwan’aka, opasari, aarohela ntata nawe mmu—mmurupani.” Ni khwira, “Vairalyawe, waari murupa wa masa, nto othene aya khwiittheya.” Khwira, “Varonwe aka wira kattotte, othene yaari masa ooripelela ni oolummwa vamosa.” Khwira, “Miyo kaamuttotta, kihelaka mmurupani.” Khwira, “Makina aya yaahikhuma aphirikeyaka, khuphirikeyela vathi, siiso miyo kirowa ophavela ottotta, ni vathi...vamalaxini.” Ni khwira, “Awo yaaphirikeyenle vathi va mmosa wa mikuso iya sa araami farapaato. Ni yaahikhala ephiro yuulupale saana yaavira vaavale. Miyo khuweha onkhuma nsuwa, ni,” owo khwira, “e—e—ekwirinti yaatthukeleliwe ni n—nluku nuulupale wu onkhuma nsuwa. Vano miyo kirowa iwe, nto kuupuwela wira kaamukuruxa ekwirinti ila, nto kaamurowa kaakuxe masa kimuroihele mulopwan’owo.” Khwira, “Miyo kipacerya okuruxa ekwirinti.”

259 Khwira, “Nsu nimosa naahittikinya elapo yothene.” Khwira, “Elapo yaahithukumela, vathi va inawu saka.” Ni khwira, “Vamaalale aya othukumela, kaahiiwa nsu.” Ni khwira, “Munna Branham, naari nsu nanyu,” khwira, “Miyo kaahisuwela; yaahikhala etthu naahimnye aya nenlo.” Khwira—khwira, “Naahimnye wira, ‘Miyo kinimweettiha mphito yoola emaara ekina!’”

260 Ni khwira, “Miyo kipacerya oweha vasulu va nluku, so, nto kiweha, ovikana meeku. Nto osulu iwe saana, mweemenle vamwala naamwareela okhuma onkhuma nsuwa mpakha onkela nsuwa, ni mukhalelo woothokolowa so, ntoko epiraamite, yaamwareela mpakha nno onkhuma nsuwa, ni,” khwira, “nyuwo mweemenle vaavale, vakhavaloni kihinatoko aka woona etthu ntoko yeeyo kookhalaru; ekhavalalo yuulupale yootteela, nseese nootteela nuuramenle vathi.” Ni khwira, “Nyuwo mwaawanre ntoko mukhulupale muHinti, ni itthu sothene aHinti anrumeelaaya.” Khwira, “Owo aahikhalana ekuwo ya vathhirima; maniya ale mmoononi, ni mapuro othene siisaale.” Khwira, “Nyuwo mwaavenxale matata siisaale.” Khwira, “Ekhavalalo ele yeemenle vale ntoko ekhavalalo y’enatoropa, ni eyeettelo ntoko sa, yeettaka,” miyo kaarimweemela oomaala. Ni khwira, “Nyuwo mpurula mikhoyi, murowa mweettihaka onkela nsuwa.”

261 Khwira, “Miyo khuweha vathi vale, nto yaahikhala anasiyensiya anci-ene.” Nto voosiisu aya...Eyo yaari Saapatu. Voosiisu aya, miyo kilaleya sa anasiyensiya, moosuwela, wira t’a xetwani. Ni khwira, “Anasiyensiya iwe yaahela itthu mumpompeni, ni otakanxa.” Khwira, “Nyuwo khweemexa ekhavalalo, khuvenxa-tho matata khukhuwela, ‘Miyo kinimweettiha-tho mphito ola!’” Ni khwira, “Elapo yothene yaahithukumela. Atthu awo khuthukumela,” khwira, “khuweha osulu ni khuwehana mmosa ni mukhaawe, siiso, ni khuwoowani

nyuwo osulu. Awo khuttikinya makhata aya, khurowa ni othokosa waya wa siyensiya.” Ni khwira, “Nyuwo khupacerya orowa onikela nsuwa.

<sup>262</sup> “Nto vairalyaya siiso,” khwira, “Kaahimoona mulopwan’ola iisitthanne profeta, moosuwela,” khwira, “owo ahirwa vakhavaloni yaari yootakanxeya ni yootteela ni yooripa vamosa.” Ni khwira, “Owo khuwela ottuli wa ekhavalolela yuulupale.” Khwira, “Yaari,” khwira, “osulu saana vasulu va meeku, ni ephiro khiyaari yootaphuwaxa *siisaale*.” Ni Khwira, “Ekhavalolela eyo yaarimwiina paahi, etheku evevelelhaka mapururu ni sothene va—vakuwoni vanyu,” ni khwira, “nto nseese na ekhavalolela ni mwiila oveveleyaka. Mwiixuttihi mulupale, ekhavalolela yuulupale yootteela, yeetaka oratteene muliinyani.” Ni khwira—ni khwira, “Mulopwana ola khurwa atthimakaka ottuli wanyu, aarwa okhuma epantte ya oCanada,” ni mulopwan’owo onkhala oCanada. Nto owo khwira, “Khutthika, ni,” khwira, “owo khukuxa ekhavalolela awe yaamukhaani, atthunaka omoroxa ekhavalolela anyu yuulupale; arukureryaka; arihaka ikhotwa saya omana va...” Khwira, “Eyo khiyaatikinnye ekhavalolela yuulupale; owo khutthikela eetaka paahi.”

<sup>263</sup> Khwira, “Vano, naanaanoru,” khwira, “nyuwo khurukunuwa.” Khwira, “Eyo yaarowa okhala emaara yaneeraru mwaalavunle anyu, masi emaara yaneili mwiirale, ‘Kinimweettiha.’” Ni khwira, “Khimwaalavunle ntoko munlavulanyu. Mwaarooruma.” Khwira, “Nyuwo khurukunuwa khumwiitthana mulopwan’ole nsina nawe, khwira, ‘Khumani va! Moosuwela wira khaavo onwerya weettiha ovira ephiro ela nno Muluku ahimutthokihenrya wira iire. Mukhume va!”

<sup>264</sup> Ni khwira, “Mulopwan’owo khurukunuwa.” Ni khwira, “Mulopwan’owo ookilepela iwarakha.” Ni khwira, “Mukhootwani wa ekhavalolela awe,” ele yooriipa ni yoottweelela, ni yootakanxana, khwira, “mukhootwani mwa ekhavalolela awe naahilempwa nsina nawe, olempeva voolikana ntoko siryaaya vavarakhani vawe. Vano owo khweettiha ekhavalolela arowaka onkela epheyo.”

<sup>265</sup> Khwira, “Nto nyuwo khutthukela murowaka; ekhavalolela ele yuulupale khurukunuwa, ottaiwene onikela nsuwa ntoko saaweryanyu.” Khwira, “Nyuwo khweemela khuvexerya matata osulu *siiso*.” Vano owo khupacerya wunla. Khwira, “Munna Branham, wona ekhavalolela ele yeemenle vale; ekofiyo ele yothene ya ekhotto ni sothene siiso, ni,” khwira, “ekuwo ele ya vatthirima ni sothene saaryaka.” Khwira, “Nyuwo khukhala ni matata osulu okathi vakhani.” Ni khwira, “Nyuwo khuweha-tho vathi, khuvara mikhoyi, khwira, ‘Miyo kinimweettiha-tho kiviraka mphito yoola emaara ekina-tho!’” Khwira, “Elapo yothene yaahithukumela nno ni nno, *siiso*.” Ni

khwira, “Khiyaakhanle-tho ekumi mwa miyo; kimorela paahi okerekhere wa mwala. Vano miyo khuvenya.”

Khwira, “Eyo enihimya exeeni, mulopwana?”

Miyo khwira, “Nkisuwenle.”

<sup>266</sup> Voosiisu aya... Junior Jackson, aalonhe sa epiraamite, moosuwela, okathi waaronwe aka onkela nsuwa. Munnuupuwela yeeyo? Owo aahikiihana, mweeri mmosa wala miili eyo ehinatthi. Owo aarina yooloha yaanviha; aahaana okileela. Nto miyo khwira, “Billy... .”

<sup>267</sup> Yaahikhala atthu oophiyaka miloko miili yeemenle ota iwe. Owo khwira, “Junior Jackson, vathi vale, ohimmye wira aahaana woohimeeryani yooloha eyo.”

Miyo khwira, “Mmuleele avolowe, ntoko minuutu mithanu paahi.”

<sup>268</sup> Owo khwaavoliha amwaar’awe, ni, owo khwira, ntoko namoona. Owo khwira, “Miyo kilonhe, Munna Branham, miyo n’amwaar’aka naamweettakasa.” Ni khwira, “Miyo khuweha onikhuma nsuwa, nto khoona, yaakhala ntoko, nipuro nimosa, ntoko emosa wa itisku iye sinvava.”

<sup>269</sup> Moone, olumwenku khonsuwela exeeni iyo, moosuwela. Nyuwo moosuwela wira enimwiiraneya. Hiyo noosuwela exeeni iyo. Munnona? Noosuwela wira awo Malaikha, a woolamulani anthokosa, moone. Ni moota oPentaakono ni sothene, sa moota sinkhuruwaaya; ni osuwela, moota sinweryaaya orowa ntoko overunya ni orowa, ohiya etthu p’itthu iyo sirinaaya. [Munna Branham onrumiha ikatha sawe—Mol.] Moone, awo khansuwela exeeni iyo, moone. Mwaahiye yuupuwele etthu p’itthu antthunaaya. Awo aniitthana itisku sinvava, wala etthu p’itthu. Awo khansuwela, moone.

<sup>270</sup> Khwira, “Vano miyo khoona eyo erwaaka, ni khuweha. Ni ele yaaryaya, aari mutthu vakhavaloni.” Ni khwira, “Owo aarwa ni waakuva w’overunya.” Khwira, “Miyo khoona wira aarwa okhuruwa ohoolo waka. Vano miyo khweemexa ekaaro aka, khutupha. Vairalyaka,” khwira, “ekaaro... ekhavalalo yeemenle yuramphani, ekhavalalo yuulupale yootteela ya enatoropa yeettaka voocanca.” Awo Masu, thiri, moosuwela, yeettaka voocanca.

<sup>271</sup> Khwira, “Aahikhala mulopwana mmosa aakilaanthe vale.” Khwira, “Owo—owo aawanre ikuwo s’epantte onkela nsuwa; khaari namasukiha inyompe, masi,” khwira, “aakhala ntoko mukhulupale a anamsuka itakhwa wala etthu.” Moone, okhuluapale awe wothene wa mukhulupale, a onikhuma nsuwa; aHinti wa aHinti; anamasuka itakhwa ewenle, moone. Ni khwira, “Mulopwan’owo aarina exapheyo awe yoorukunxeliwa vathi, ni aahikhalana... aaweha epantte emosa.” Ni khwira, “Okathi orukunuwenle awe epantte emosa,” khwira, “mwaari

nyuwo, Munna Branham.” Khwira, “Nyuwo khimunalavuleke ntoko sinlavulanyu. Nyuwo khwira, ‘Junior!’” Khumwiitthana vaara vararu. “Ni khwira, ‘Kinimooleelani etthu yo wira.’” Ni khwira, “Nto nyuwo khukokha mikhoyi sa ekhavallo ela. Nyuwo khweetta ntoko mavallo mararu, khurowa osulu, nto khurowa onkela nsuwa.”

<sup>272</sup> Owo khwira, “Minuutu mmosa paahi, miyo khuwehawehe, nta va jaarwa ekhavallo yooyeva ovikana ele, ya muthinto mmosaru, masi yooyeva, nto khweemela.” Khwira, “Miyo khweetteetta, khwira, ‘Owo khino orookiveleliherya yeela.’” Khwira, “Miyo khuwela.” (Junior oheettiha ekhavallo vakhani, nave. Owo khwira, “Moosuwela moota ekhukulu enookhalaayani, Munna Branham, ixitiriipu ni sothene?”) Khwira, “Miyo khuupuwela, ‘Ahe, ela ennikhala saana.’ Siiso miyo khukokha mikhoyi, khurowa kiwelaka osulu.” Khwira, “Kikokha mikhoyi keemexa, kirukunxa ni kitthika. Munnona? Vatthinke aka,” khwira, “Keemexa ekhavallo, kikhuruwa, kilavula n’amwaar’aka. Ekhavallo yaahirimeela.” Nto owo...?...

<sup>273</sup> Vano, nsuri, mahiku mararu avinre, khurwa Leo Mercier, aarwiiye ni yooloha yeeyo emosaru, ahisuwelaka hat’etthu ya yeeyo; ya ophavela otakanxa ekhavallo karanyawu yuulupale yootteela ni ekhavallo y’ethiyana yooriipa, nave khayaawenrye wira; oonanariwa. Khwira wira kaarophiya vale, khwira, “Leo,” vano khimuleela etthu kaamuleenle aka. Nkintthuna ohimya va, moone, masi kaahimuleela kaamuleenle aka. “Khwira, ‘Khamunoono? Vano, osuwela ela; miyo nkaasuwela wira Ed Daulton aahikhalana mutthepa, ni wira mutthepa owo aahikhalana mwalapwa ni nsina nenla. Munosuwela, Leo, wira munooloha. Masi, mwavenya, muupuwele!” Ni khwira, “Kiira kihinatoko wiiwa orummwa siiso.”

<sup>274</sup> Okathi ene yoowo, Roy Roberson khuvolowa, khwira, “Munna Branham, munnuupuwela ottuli wu muhinatthi okhuma mukereja emaara yoopacerya? Hiyo naari... Kaahiwoonani mukilaanthe-ene, ntoko oPalestina. Hiyo othene naari, nikhuru ni sothene, naakilaanthe ntoko vameesa a olya w’Apwiya, vano nto nyuwo khulavula. Ni nyuwo...Owo khaasuwelanxe etthu mwaalavulanyu.” Khwira, “Neeku nootteela khikhuruwa khoovarani, khookuxani.” Akavi anuupuwela yo—yooloha ya Munna Roy? Ni khwira, “Neeku nootteela khookuxani,” ni khwira, “vano nyuwo khurowa. Miyo khuvira-vira iphiro, kikhuwelaka ni kinlaka.”

<sup>275</sup> Vaphiyale aka va, ni moonoo owo mukhaani woorakala, ntoko saaryawe, aamusoma yeela. Owo khumoroxa ekweseryo khupacerya wunla okathi okoonalyaawe kaattamelaka vate vale. Miyo nkaamoonale enamuna owo okitharihenle awe yooloha ene. Nto owo khwira... Vano owo aamukwesa. Miyo khwira...

276 “Nto—nto nyuwo khurowa.” Khwira, “Miyo khweettasa mmaiphironi, mapuro othene, kiphavelaka woophwanyani. Nkaawenrye woophwanyani, hata nipuro. Miyo kaamukhuwela, ‘Oh, Munna Branham, muhirowe!’” Khwira, “Neeku nooriipa khukela khoovarani, khookumihani wa hiyo, orowa onkela nsuwa.” Eyo yaari ehinatthi epiraamite wala etthu. Khwira, “Khookuxani khoodoihani onkela nsuwa. Nto miyo kaahikhuwela, khweettasa mmaiphironi.”

277 Khwira, “Nuuvira okathi vakhani miyo khurowa khukilaathi vameesa. Khwiiraneya oweha vale vamuru wa meesa.” Khwira, “Kaaniwerya owoonani so nyuwo, mwaari ootteela ntoko nakhutu.” Khwira, “Nyuwo mweemenle vale.” Ni khwira, “Nyuwo mwaalavunle ni okhulupale. Khiwaakhanle hata waanyiherya yeeyo.” Khwira, “Khula mutthu aahiiwa oratteene etthu mwaahimnye anyu.”

278 Oh, munn’aka mulopwana, muthiyana, vano, khula mmosa a nyuwo oosuwela, koosuwela etthu eyo enihimyaaya. Munnona?

279 Nwehe paahi! Mukhale vakhiviru ni Kristu. Mukihiye koolopoleni vano, ntoko murumeyi a Ehapari yooreera, wa yeela. Muhikupali hata ololo. Muhaakanyerye etthu. Mukhale vaavo mpakha muhina mu wa muhina okhale woolipa ni Masu, wira nyuwo muri tthiri mwa Kristu, okhala wira eyo t’itthu emosa paahi enrowa o... Okhala wira, hiyo nri okathi wowootothaxa nitonko ahu okhala. “Yaanwootha ale Oothanliwa vaakhanle wira vaaniweryaneya,” okhala wira awo aakhalana muttikitthelo, awo anniwerya wira khula etthu ntoko akina aya.

280 Mureherye makhalelo anyu. Mulive sinlokihiwaanyu. “Muhilokihwe ni hata mutthu,” Yesu oohimya. Vano, vano, kintthuna ohimya wira, ntoko oliva emp’anyu ni itthu, muhaana wira. Mwiihuluxe itthu sothene mmatatani mwanu. Mukhalane itthu sothene oratteene. Mwiilikanyihe. Mukhale oolikana. Muupuwele, mwa Nsina n’Apwiya, yookhala etthu ehanle okhumelela.

281 Kinrowa mmyaakoni esumana ela, kahi wira kaxaye ikhopa; vekeekhai, okisivela oxaya ikhopa. Masi kinrowa iwe mwaha wa niwoko nenla, kiiraka, “O Muluku, nkinsuwela epantte xeeni yo orowa-wo, ni nkinthuna ohaleela ela. Mukikhaliherye.”

282 Mukivekelele. Munimwiira? Kinookhala koovekelelakani. Kinwehererya, ni omoriwa ikharari wa Muluku, okumana ni khula mmosa a nyuwo, ni nikumane Muttetthe wooreera ovikana ola va.

283 Nto ninrweela-ni va? Muniira-ni? Ninrwa va, omweetta musewe? Hiyo nnoorwa va, okumana ntoko elooca? Eyo ti, Kristu khokhanle orwaaka mpakha Ekereja eyo okhala yoolikana oratteene. Owo onnilipelela hiyo. Kookupali wira niri woomalelani.

284 Nkawehani, oCalifornia. Nkawehani ikhotto. Nkaaweheni atthu muloko ni athanu n'axexe wiiviwa, nikhuli. Nkoolenleni, nno woohikhala khalayi, wira Martin Luther King ole aanweetiherya atthu awe wowiiwani? Akavi anuupuwela yeeyo? [Muthukumano oniira, "Amen."—Mol.] Kahiyo atthu awo ooriipa; akhulupale ale anaatumererya. Kehiyo ekelihelo, ivalaanelo, ni sothene awo antthunaaya wiitthana; owo xetwani. Ti yeeyo. Kahi wa akunya paahi, ooriipa; ela ti othene aya. Owo ti xetwani.

285 Miyuupuwelo ni otthokelela wa mutthu soomalalama. Khasikhanle miroromelo. Siri ottaiwene wa miroromelo. Etthu yothene nikhwatta noowuntta. Miyuupuwelo sa mutthu; awo khanwerya wira ethanlelo.

286 Miyo nkihiyo napolitika. Miyo nkini, nnakhala Temokrata wala Repuplikaano. Awo othene t'ohononeya. Miyo kineemererya Omwene mmosa, nto owo Omwene wa Yesu Kristu. Ti yeeyo tu. Masi mutonko woona sayi nikhuru na amwaatteepea ntoko sirinaahu iwe vano, ntoko nikhuru nle n'atthu a oTexas hiyo nirinaahu muhina mmwe? "Vano," awo aniira, "sothene atthu antthunaaya! Yamutthuna komunismu, ninaavaha komunismu. Yatthuna ekelihelo, nnimwaavaha ekelihelo. Yatthuna evelaaniho, nnimwaavaha khula etthu." Ahiira eyo . . . Alopwana ari vayi?

287 O Muluku! Eyo eri ntoko epulpitu. Ari vayi alopwana, alopwana akhanle alopwana, aneemererya niwoko? Ari vayi athiyana aneemererya niwoko? Eri vayi ekereja eneemererya niwoko? Nkirina yoofayi isentavo thanu ya okathi wa erooho ehirina olakeya, enihiyererya, ni yowiisakaleliha. Muthiyana akhala muthiyana, owo akhale muhano. Mulopwana akhala mulopwana, owo akhale mulopwana.

288 Owo akhala mukhulupale . . . Ari vayi maJohn Quincy Adams ahu? Ari vayi maAbraham Lincoln ahu, axilopwana a niwoko? Ori vayi Patrick Henry ahu, iirale, "Mukivahe otaphuwa wala mukivahe okhwa"?

289 Ori vayi mutthu oneemererya ele eri yooreera? Ori vayi mutthu ohinoova olavula? Hata eniireya exeeni, hata olumwenku wothene onvirikanyaka, onoolavula voowiiweya wa ele eri yooreera; ni onimweemererya ni onookhwela. Ori vayi Arnold von Winkelried ahu emaara ekina olelo? Ari vayi atthu a exariya? Ari vayi atthu ni erooho? Awo t'ohilakeya ni oohoverya mpakha ahinsuwelaya veemenlyaya.

290 Muluku, mukihiye kikhale ni niwoko na Mutthu mmosa, ntoko murumeyi, Masu a Yesu Kristu. "Maana erimu n'ilapo ya vathi sinoovira, masi Awo khankhalakhala avonyaka. Vamwala va Miyo kinooteka-vo Ekereja Aka; mikhora sa mookhwaani khasinrowa oxintta."

Nrowe nivenye.

Noottottopeliwa nikhale nlotte ninthuka  
 Mirima sahu mophentani w'oKristu;  
 Opatthana wa muupuwelo mmosa  
 Ori ntoko ole Osulu.

Vano nvahane matata mmosa ni mukhwaawe.


Naavalaanaka,  
 Enniniwereiha muhina;  
 Masi nlelo ninookhala vamosa mmurimani,  
 Ni niwehereryaka okumana-tho.

Mpakha nikumane! mpakha nikumane!  
 Mpakha nikumane munawoni mwa Yesu;  
 Mpakha nikumane! mpakha nikumane!  
 Muluku akhale ni nyuwo mpakha nikumane-  
 tho!

<sup>291</sup> Nrowe nuurame muru ahu vano, okathi Munna Neville  
 onnilaihaawe, ni nuulumo na mavekelo.

<sup>292</sup> Mutthike ohiy'ula, vano. Ninwehererya muteko  
 w'okokhorela muulupale ohiy'ula, otapernakulu va. Muluku  
 ooreeriheni. Ni mukivekelele; miyo kinimoovekelelani.

<sup>293</sup> Muuupuwele wira ka namathipelela, apatthani.  
 Muuupuweleke wira kineererya wookhanyereryani etthu.  
 Miyo kinnoophentani. Ni kookhalana niwoko, owo Bibiliaa.  
 Khanivo hata Nuulumo nimosa nikhale okumihiwaka-Mo.  
 Khanivo hata nuulumo nimosa nikhale waacereriwaka-Mo. Ni  
 kinimwaamini Owo siiso Owo olempwawe.

<sup>294</sup> Nrowe nuurame muru ahu vano, nto pastore ahu,  
 ooromeleya onoolaiha muthukumano. Muluku ooreeriheni,  
 Munna Neville. 

65-0815 Nave Khamunsuwela  
Branham Tabernacle  
Jeffersonville, Indiana wAmerika

EMAKHUWA

©2026 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Olopola mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinvwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitumihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®. Mwaaphavelaka wiiwa-tho wala ikaruma sikina sikhhanle, xontte mulavule ni:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)